

**କରକ୍ରିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଠଲଙ୍କ
ଦ୍ୱିତୀୟ ପତ୍ର
କରକ୍ରିୟ ମଣ୍ଡଳିର ଲକ୍ଷ୍ମୀନରାଜୀନେ
ପାଠଲ୍ ଦୁଇପାଲି ଚିଠି ଲେଖିଲାଟା
ଏ ବଇ ବିସଇନେଇକରି ଜାନ୍‌ବାଟା**

୨ ଯ କରକ୍ରି ଜିଣୁ କିରିସଟ ଜନମକରି ଲଗାଲଗି ୫୫-୫୬ ପଟେ
ପେରିଡ଼ ପାଠଲ୍ ଲେକିରଇଲା । ୧:୧ ଆମରଟାନେ ରଇଲା କରକ୍ରି
ମଣ୍ଡଳିକେ ଲେକାଅଇରଇବା ଚିଠି ବିଡ଼ରେଅନି ଏଟା ଅଇଲାନି
ପାଠଲର୍ ଦୁଇ ଲମର୍ ଚିଠି । ଆର୍ ଆଗତୁ ପାଠଲ୍ କରକ୍ରିୟ
ମଣ୍ଡଳିକେ ରିସାଅଇ ଲାଗିକରି ଚିଠି ଲେକିରଇଲା ବଲିକରି
ପଣ୍ଡିତମନ୍ ବିସ୍‌ବାସ୍ କରବାଇ । ୨:୩-୪ପଦେ ଏଟା ଜାନାଇଲାନି ।
ସେ ସମାନ୍ ଚିଠି କାଇଟାମିସା ଆମରଟାନେ ନାଇ ।

ପାଠଲ୍ ମାକିଦନିଆଇ ରଇଲା ବେଲେସେ ୨ ଯ କରକ୍ରିୟ
ଲେକିରଇଲା ୨:୧୩ ୨ ଯ କରକ୍ରିୟ ପାରା ଚିଠି ଆରି ନାଇ
। ସେଟା ନିଜର୍ ପାଇସେ ଆରି ସାରଦାର୍ ପାଇସେ ଆଟେ ।
ତିତସର୍ ଟାନେଅନି କରକ୍ରିୟ ମଣ୍ଡଳିର୍ ସବୁ ନିକ ବିସଇ ସୁନି
କରି ପାଠଲ୍ ସାରଦା ଜାନାଇଲାନି । ଏ ଚିଠିଟାନେ ନୁଆ ନିୟମର୍
ଦାନ୍ ଦେବା ବିସଇ ସିକିଆ ପାଇବାର୍ ଅଇସି । ଏ ପାକୁଡାଇ
ପାଠଲ୍ ଜିରୁସାଲମର୍ ବିସ୍‌ବାସିମନ୍‌କେ ସାଇଜର୍ ପାଇ ବଲି
ଡାବୁ ଉଟାଇବାକେ ଆଦେସ୍ ଦେଲାନି ୮:୯ । ଆରି ମିସା ଏଟା
ଜାନାଇଲାନିଜେ, ମଣ୍ଡଳି ବାଇରେ ରଇକରି କେତେଟା ମିରୁଆ
ପେରିଡ଼ମନ୍ ସେମନ୍ ନିଜେ ଉପରେ ଉଟୁ ବଲି ପାଠଲର୍ ବିରୁଦେ
ଉଟ୍‌ଲାଇନି । ସେମନ୍ କେତେଟା ମଣ୍ଡଳିର୍ ନିକ ନିକ ଲକ୍ଷ୍ମୀନକେ
ଡାକର୍ ଡାକର୍ ବିଡ଼ରେ ଜୁଜାଇଲାଇନି । ସେମନ୍ ପାଠଲର୍
ଅଦିକାର୍‌କେ ସଡ଼ କି ମିର୍ ବଲି ବାବ୍‌ତେରଇଲାଇ । ଜନ୍‌ଟାର୍
ପାଇ କି ୨ ଯ କରକ୍ରିୟ ସାରାସାରିବାଟେ ମୁଇ ନିଜେ ଗଟେକ୍

ଜିସୁକିରିସ୍ତର ଅଦିକାରର ପେରିଡ଼ ଅଇଆଟି ବଲି ଡାଟ୍ ସଙ୍ଗ୍ ଦେକାଇଲା ।

ଇତି ରଇବାଟା

୧. ପାଉଲ୍ ଚିଟି ଲେକ୍‌ବାକେ ଆରାମ୍ କର୍‌ବା ଆଗ୍‌ତୁ ଜୁଆର୍ ଜାନାଇଲାନି । ୧:୧-୭
୨. ପାଉଲ୍ ସେ ଜିବାକେ ଡିଆରଅଇଲାଟା ବାଦ୍‌ଲାଇଲା ଆରି ସେମନର୍ ସୁନିରଇବା କାତା ବିସଇ ସେମନ୍‌କେ ଜବାବ୍ ଦେବାଟା ୧:୮-୭:୧୭
୩. ପାଉଲ୍ ଜିରୁସାଲାମେ ରଇବା ବିସ୍‌ବାସିମନର୍ ପାଇ ଦାନ୍ ଉଟାଇବାକେ ଆଦେସ୍ ଦେବାଟା । ୧:୮-୯:୧୫
୫. ସାରାସାରିବେଲେ ପାଉଲ୍ ପେରିଡ଼ ପଦ୍‌କେ ରକିଆ କର୍‌ବାଟା ଆରି ଆରିତରେକ୍ ଜିବାକେ ଜାଗ୍‌ରଡ଼ ଅଇବାଟା । ୧୦:୧-୧୩:୧୦

୧ ✨ମୁଇ ପାଉଲ୍, ପର୍‌ମେସରର୍ ମନ୍ କଲା ଇସାବେ କିରିସ୍ତ ଜିସୁର ଗଟେକ୍ ପେରିଡ଼ ସିସ୍ ବାଟାଇଅଇଲିଆଟି ।

ମୁଇ ଆରି ଆମର୍ ବାଇ ତିମତି ଆରି କରକ୍ରିୟାଟାନ୍‌ରେ ରଇବା ପର୍‌ମେସରର୍ ଗୁଲାଇ ମଣ୍ଡୁଲିମନ୍‌କେ ଆରି ଆକାଇଆଟାନ୍‌ରେ ରଇବା ସବୁ ପର୍‌ମେସରର୍ ଲକ୍‌ମନ୍‌କେ, ଏ ଚିଟି ଲେକ୍‌ଲୁନି ।
 ୨ ଆମର୍ ବାବା ପର୍‌ମେସର୍ ଆରି ମାପ୍‌ରୁ ଜିସୁର୍ ଟାନ୍‌ଅନି ଜିବନ୍ ଦୁକାଇଲାଟା ଆରି ସାନ୍ତି ତମ୍‌କେ ଅ ।

ପର୍‌ମେସର୍‌କେ ପାଉଲ୍‌ର ଦନିଅବାଦ୍

୩ ଆମର୍ ମାପ୍‌ରୁ ଜିସୁ କିରିସ୍ତର୍ ବାବା ପର୍‌ମେସର୍‌କେ ଦନିଅବାଦ୍ ଦେଉଁ । ସେ ଆମର୍ ଦୟାକାରିଆ ବାବା ଆରି ଜାର୍ ଟାନ୍‌ଅନି କି ଆମ୍‌କେ ସବୁ ବିସଇର୍ ସାଇଜ ଆଇସି । ୪ ସେ ଆମ୍‌କେ ସବୁ ଦୁକ୍ କସ୍‌ଟ ଆଇଲେ ସାଇଜ କର୍‌ସି । ସେନ୍ତାରିସେ ବିନ୍ ବିନ୍ ରକାମର୍ କସ୍‌ଟ ପାଇତେରଇବା ଲକ୍‌ମନ୍‌କେ ଆମେ ଜେକ୍ରି ଦୁକ୍ ସାରାଇବୁ । ପର୍‌ମେସର୍ ଟାନ୍‌ଅନି ଜନ୍ ସାଇଜ ଆମେ ପାଇଲୁଆରୁ, ସେ ସାଇଜର୍ ଲାଗି, ଆମେ ମିସା ବିନ୍ ଲକ୍‌କେ ସାଇଜ କର୍‌ବୁ । ୫ କାଇକେବଇଲେ ଜେକ୍ରିକି କିରିସ୍ତର୍‌ତେଇ ମିସ୍‌ଲାର୍‌ପାଇ ଆମର୍ ଦୁକ୍, କସ୍‌ଟ ଅଦିକ୍ ଅଦିକ୍ ଅଇଆଟେ,

✨ ୧:୧ ୧:୧ ପେରିଡ଼ ୧୮:୧

ସେନ୍ତାରିସେ କିରିସ୍ତର ଲାଗି ଆମର ଦୁକ୍ ସାରାଇବାଟା ମିସା ଅଦିକ୍ ଅଦିକ୍ ଅଇଲାନି । ^୬ ମାତର୍ ଆମକେ ଦୁକ୍ କସ୍ତ ଅଇଲେ, ସେଟା ତମର୍ ଦୁକ୍ ସାରାଇବାକେ ଆରି ନ ସାର୍ବା ଜିବନ୍ ପାଇବାକେ । ସେନ୍ତାରିସେ ଜେଡେବେଲେ ଆମେ ପର୍ମେସରର୍ ଟାନେଅନି ସାଇଜ ମିଲାଇବୁ, ସେଟା ତମର୍ପାଇ ମିସା ସାଇଜ ମିଲୁଲା ପାରା । ଏନ୍ତାରି ସେ ତମର୍ ବିସ୍ବାସ୍ କରବାଟା ଡାଟ୍ କରାଇସି, ଜେନ୍ତାରି ଆମେ ଦୁକ୍‌କସ୍ତ ଆଇଲେ ମିସା ମୁରତି କରି ଆରୁ, ସେନ୍ତାରି ଦୁକ୍ କସ୍ତ ଆଇଲେ ତମେ ମିସା ମୁରତି କରି ରଇପାରାସ୍ । ^୭ ଏଟାରଲାଗି ତମର୍ଟାନେ ଆସା କରବାଟା ଡାଟ୍ ଅଇଲାଆଟେ । କାଇକେବଇଲେ, ଆମେ ଜାନିଆରୁ, ଆମକେ ଦୁକ୍ କସ୍ତ ଆଇଲେ ମିସା ମୁରତିକରି ଆରୁ, ତମେ ମିସା ସେନ୍ତାରି ମୁରତିକରି ଆଟାସ୍ । ଜେନ୍ତାରି କି ପର୍ମେସର୍ ଟାନେଅନି ଆମେ ସାଇଜ ମିଲାଇଆରୁ । ସେନ୍ତାରିସେ ତମେ ମିସା ସାଇଜ ମିଲାଇଆଟାସ୍ ।

୮ ✱କାଇକେ ବଇଲେ, ଏ ବାଇବଇନିମନ୍, ଆସିଆ ରାଇଜେ ଆମକେ ଅଇରଇବା ବଡ୍ ଦୁକ୍ କସ୍ତ ବିସଇ ତମେ ଜାନିରୁଆ ବଲି ଆମେ ମନ୍ କଲୁନି । ମୁରତି ନାପାରୁଲା ବଡ୍ ପରିକା ଆଇଲା । ଏନ୍ତାରି କି ଆମେ ଆରି ନ ରଇକରି ମରିଜିବାର୍ ଅଇସିବେ ବଲି ବାବ୍‌ଡେରଇଲୁ । ^୯ ଓଁ, ଆମକେ ମରନ୍ ଆସି ଡାବିଅଇରଇଲା । ମାତର୍ ନିଜର୍ ନିଜର୍ ଉପରେ ଆସା ନ କରି, ଜନ୍ ପର୍ମେସର୍ ମଲା ଲକ୍‌ମନ୍‌କେ ଉଟାଇସି, ତାର୍ ଉପରେ ଆସା କରୁବାକେ ଏ ସବୁ ଅଇଲା । ^{୧୦} ସେ ଆମକେ ମରନ୍‌ଟାନେ ଅନି ବଟାଇଲା । ସେଟାରପାଇ ଆମେ ରକିଆ ପାଇଲୁ । ମରନ୍ ରଇଲା ଆକା, ମାତର୍ ମରୁନାଇ । ଆରି ସେ ଆମକେ ସାଇଜ କରୁଡେରଇସି ଆକା ବଲି ଜାନିଆରୁ । ଆମକେ ବଡ୍ ଆସା ଆଟେ ଜେ, ସେ ଆମକେ ସାଇଜ କରବାଟା କେବେ ନ ଡେବାଏ । ^{୧୧} ତମେ ଆମର୍ ପାଇ ପାର୍‌ତନା କରି ଆମକେ ସାଇଜ କରୁବାର୍ ଆଟେ । ସେନ୍ତାର୍ କଲେ ପର୍ମେସର୍ ସବୁ ପାର୍‌ତନାଇ ମାଙ୍ଗ୍‌ଲାଟା ପାଟାଇସି । ଆରି ବେସି ଲକ୍ ପର୍ମେସର୍‌କେ ଦନିଅବାଦ୍ ଦେବାଇ । କାଇକେବଇଲେ ସେ ଆମକେ ଆସିରୁବାଦ୍ କଲାଆଟେ ।

✱ ୧:୮ ୧:୮ ୧ମ କରକ୍ତିୟ ୧୫:୩୨

ପାଉଲ ଜର୍ଜନା କଲାଟା ବାଦ୍‌ଲାଇଲା

^{୧୭} ବାଇମନ୍ ଆମେ ବଡ଼ପନ୍ ଅଇକରି କଇବା ଗଟେକ୍ କାତା ଆତେ । ସେଟା ଆମେ ସତ୍ ବଲି ଜାନ୍‌ଲୁନି ଆରି ସେଟା ଅଇଲାନି, । ସବୁଲକରଟାନେ ଆରି, ତମରଟାନେ ମିସା ଆମର୍ ଚଲାଟଲୁତି ସୁକଲୁ ଆରି ଦରମ୍ ଆତେ । ଏଟା ଆମର୍ ବିବେକ୍ ସାକି ଦେଲାନି । ଲକ୍‌ମନର୍ ଗିଆନ୍ ଇସାବେ ଆମେ କରୁନାଇ, ମାତର୍ ପର୍ମେସରର୍ ଜିବନ୍ ଦୁକାଇଲା ବପୁର୍ ସଙ୍ଗ୍ ଏ ସବୁଜାକ କଲୁନି । ^{୧୮} କାଇକେ ବଇଲେ, ଆମେ ଚିଟି ପାଟାଇଲା ବେଲେ ତମେ ଜାଇଜାଇଟା ପଡ଼ିକରି ବୁଜିପାରାସ୍, ସେଟାସେ ଲେକି ପାଟାଇଲୁନି । ^{୧୪} ଏବେ ଆମେ ଜାଇଟା କଲୁନି, ସେ ବିସଇ ତମେ ଅଲପ୍ ଅଲପ୍ ବୁଜୁଲାଇସନ୍ । ମାତର୍ ମୁଇ ଆସା କଲିନି, ସେଟା ତମେ ପୁରାପୁରୁନ୍ ବୁଜି ପାର୍‌ସା । ଜେନ୍ତାରି କି, ଆମର୍ ମାପୁରୁ ଜିସୁ ବାଉଡ଼ଲା ଦିନେ, ତମେ ଆମର୍ ଲାଗି ସାର୍‌ଦା କର୍‌ସା, ସେନ୍ତାରିସେ ଆମେ ମିସା ତମରଲାଗି ସାର୍‌ଦା କର୍‌ବୁ ।

^{୧୫} ଏଟା ସବୁ ତମେ ବୁଜି ପାର୍‌ସା, ସେଟା ଜାନିକରି ମୁଇ ତମରଟାନେ ବୁଲିଆଇବି ବଲି ମନ୍‌କଲି । ଜେନ୍ତାରି କି ମୁଇ ତମକେ ଦୁଇତର୍ ସାଇଜ କରିପାର୍‌ବି । ^{୧୬} ✧କାଇକେବଇଲେ ମୁଇ ମାକିଦନିଆଇ ଜିବାବାଟେ ତମରଟାନେ ଆସି ରଇବି ବଲି ମନ୍‌କଲି । ଆରି ମୁଇ ଗରେ ବାଅଡ଼ବାବେଲେ ଆରିତରେକ୍ ତମରଟାନେ ତେବ୍‌ବି ବଲି ମନ୍‌କଲି । କାଇକେବଇଲେ ମୁଇ ଜେବେ ଜିଉଦା ଦେସେ ଜିବାକେ ବାରଇବି, ସେ ବେଲେ ତମେ ମକେ ସାଇଜ କରି ପାରାସ୍ । ^{୧୭} ତେବେ ମୁଇ ଏନ୍ତାରି ମନ୍ କଲାକେ ମକେ ତମେ ଦୁଇ ମନିଆ ଲକ୍ ବଲି ବାବ୍‌ଲାଇସନ୍ କାଇକି । ନିଜର୍ ମନ୍ କଲା ଇସାବେ ଚିନ୍ତା କର୍‌ବା ଗଟେକ୍ ଲକର୍‌ପାରା ତମେ ମକେ ବାବ୍‌ଲାଇସ୍ କାଇକି । ମୁଇ ଆଇବି ବଲି କଇଲେ ମିସା ତମର୍ ମନେ ସେ ନ ଆସେ, ବଲି ବାବ୍‌ଲାଇସ୍ କାଇକି । ^{୧୮} ଜଦି ପର୍ମେସର୍ କଇବାଟା ସତ୍, ସେନ୍ତାରି ଆଲେ ମୁଇ କଇବାଟା ମିସା ସତ୍ ସେ । ଏକାବେଲେ ଉଁ ଆରି ନାଇ ବଲି, ନ କଇ । ^{୧୯} ✧ମୁଇ, ସିଲାନୁ ଆରି ତିମତି, ପର୍ମେସରର୍ ପଅ ଜେ କି କିରିସ୍‌ଟ ଜିସୁ, ତାର୍ ବିସଇନେଇ ତମକେ

ଜାନାଇରଇଲୁ । ସେ ଉଁ ଆରି ନାଇ, ବଲି କଇବା ଦୁଇ ମନିଆ ଲକ୍ ନଏଁ । ୨୦ ତାରୁଲାଗି ପରମେସର୍ ଉଁ ବଲି, କଇରଇବାଟା, ସବୁଜାକ ପୁରାପୁରୁନ୍ କର୍ସି । ସେଟାରପାଇ ଜିସୁକିରିସଟକେ ଆମେ ଆମେନ୍ ବଲି, କଇବାଟା ପରମେସରର୍ ମଇମା ପାଇ ଅଇସି । ୨୧ ତମ୍‌କେ ଆରି ଆମ୍‌କେ ଜିସୁକିରିସଟତେଇ ମିସିରଇବାକେ ଆଇବା ଡାଟ୍ ବିସ୍‌ବାସ୍ ଆନ୍‌ବାଟା, ପରମେସର୍ ସେ । ଆରି ସେ ଆମ୍‌କେ ବାଟ୍‌ଲା ଆଟେ । ୨୨ ଆମେ ତାରୁଟା ବଲି ଜାନ୍‌ବାକେ ସେ ଆମ୍‌କେ ତାର୍ ଚିନ୍ ମାରୁଲା ଆଟେ ଆରି ସୁକଲ୍‌ଆଡ଼ମା ଆମର୍ ବିଡ଼ରେ ଦାନ୍ କଲା ଆଟେ । ପରମେସର୍ ଆମର୍‌ପାଇ ଜେଡ଼କି ବିସଇ ସଙ୍ଗଇଆଟେ, ସେ ଆଡ଼ମାର୍ ଲାଗି ଆମେ ସେଟା ସବୁ ପାଇବୁ ବଲି ଜାନ୍‌ଲୁନି ।

୨୩ ଜଦି ମୁଇ କଇବାଟା ସଡ଼ ନାଇ, ସେନ୍ତାରୁଆଲେ ପରମେସର୍ ମକେ ଡଣ୍ଡ ଦେଅ । ମୁଇ କରକ୍ତିଅତେଇ ବୁଲି ଆଇବାକେ କାଇକେ ଅଏ ନାଇ ବଲି ସେ ଜାନେ । ମୁଇ ତେଇ ଆଇଲେ, ତମର୍ ଚଲାଚଲ୍‌ତିର୍ ବୁଲ୍‌ଟିକ୍ ଦେକଲେ, ତମେ ଦୁକ୍ କରତାସ୍ । ୨୪ ତମେ କନ୍‌ଟା ମାନ୍‌ବାର୍ ଆଟେ, କନ୍‌ଟା ନାଇ, ସେଟା ଆଦେସ୍ ଦେବାକେ ଆମେ ମନ୍ କରୁନାଇ । କାଇକେବଇଲେ, ତମର୍ ବିସ୍‌ବାସ୍ ଡାଟ୍ ଅଇଗାଲା ଆଟେ । ତମର୍ ସଙ୍ଗ୍ ମିସିକରି କାମ୍ କର୍‌ବାକେ ଆମେ ମନ୍ କଲୁନି । ଜେନ୍ତାରିକି ତମେ ସାର୍‌ଦା ଅଇସା ।

୨

୧ ମାତର୍ ମୁଇ ଆଗଡୁ ଆଇଲା ବେଲେ ଜେକ୍ତିକି ତମ୍‌କେ ଦୁକ୍ ଦେଲି, ସେକ୍ତି ଆରିତରେକ୍ ଦୁକ୍ ଦେବାର୍ ଆଲେ ନ ଆସି ବଲି ବାବ୍‌ତେ ରଇଲି । ୨ ଜଦି ମୁଇ ତମ୍‌କେ ଦୁକ୍‌ଦେବି, ତେବେ କେ ମକେ ସାର୍‌ଦା କରାଇବାଇ ? ଜନ୍ ଲକ୍‌କେ ମୁଇ ଦୁକ୍ ଦେଇରଇଲି, ସେ ସମାନ୍ ଲକ୍ ତମେ ଆକା । ୩ ସେଟାରପାଇ ମୁଇ ତମ୍‌କେ ଚିଟି ଲେକିରଇଲି । ଜନ୍ ଲକ୍‌ମନ୍ ମକେ ସାର୍‌ଦା କରାଇବାର୍ ଆଟେ, ମୁଇ ଆଇଲେ ସେମନ୍‌ସେ ମକେ ଦୁକ୍ ଦେଅଡ଼ ବଲି ମନ୍ କରିନାଇ । ମୁଇ ଜାନି, ମୁଇ ସାର୍‌ଦା ଅଇକରି ରଇଲେ, ତମେ ମିସା ସବୁଲକ୍ ସାର୍‌ଦା ଅଇରଇସା । ୪ ମୁଇ ମନେ ମନେ ବେସି ଦୁକ୍ କସ୍‌ଟ ଅଇକରି ଆରି ମନେ ମନେ କାନ୍ଦି ଆସୁଜରାଇ କରି ଲେକି ରଇଲି, ଜେକ୍ତିକି ତମେ ଦୁକ୍ ଅଇରୁଆ ବଲିକରି ମୁଇ ବାବିନାଇ । କାଇକେବଇଲେ

ମୁଇ ତମ୍ଭକେ ବେସି ଆଲାଦ୍ କଲିନି । ଏଟା ଜେକ୍ରିକି ତମେ ଜାନିରୁଆ
|

ଦସିକେ କେମା ଦେବାରା

୫ ଏବେ ତମର୍ ବିତ୍ତରେ ଜେ ପାପ୍ କରି ତମ୍ଭକେ ଦୁକ୍ ଦେଲା
ଆଚେ, ସେ ଅବକା ମକେ ଦୁକ୍ ଦେଏନାଇ, ମାତର୍ ତମ୍ଭକେ
ସବୁକେ ଦୁକ୍ ଦେଲାଆଚେ । ସବୁକେ ନଇଲେ ମିସା, କେତେଲକ୍‌କେ
ଦେଇଆଚେ । ତାର୍ ପାପ୍ କଲାଟା ଅଦିକ୍ ବଡ଼ ଅଇକରି ଡିସ ବଲି
ମୁଇ ମନ୍ କରନାଇ । ୬ ତମର୍ ବିତ୍ତରେ ଜବର୍ ଲକ୍ ତାକେ ଡଣ୍
ଦେଲାଆଚଡ଼ । ଆରି ସେମନ୍ ତାକେ ଦେଇରଇବା ଡଣ୍ ତାର୍‌ପାଇ
ଅଇଜାଇସି । ୭ ଏବେ ତମେ ତାକେ କେମା ଦେଇକରି ସାଆସ୍
ଦେବାର୍ ଆଚେ । ସେନ୍ତାରି ନ କଲେ, ସେ ବେସି ଦୁକ୍ ଅଇକରି ତାର୍
ମନ୍ ବାଜିଜାଇସି । ୮ ସେଟାର୍‌ପାଇ ତାକେ ଆରିତରେକ୍ ଆଲାଦ୍
କରା ବଲି ମୁଇ ତମ୍ଭକେ ବାରୁଜିଆ କଲିନି । ୯ କାଇକେବଇଲେ
ତମେ ବିସ୍‌ବାସର୍ ପରିକାତେଇ ତାଟ୍‌ଅଇ ରଇଲାସ୍ କି ନାଇ, ଆରି
ତମେ ମର୍ ଆଦେସ୍ ମାନ୍‌ଲାସ୍‌ନି କି ନାଇ ବଲି ଜାନ୍‌ବାକେ ମୁଇ
ତମ୍ଭକେ ଆଗତୁର୍ ସେ ଚିଟି ଲେକିରଇଲି ।

୧୦ ଜେଡେବେଲେ ମିସା ତମେ ସେ କରିରଇବା କାମର୍ ପାଇ
ତାକେ କେମା କରସା, ତେବେ ମୁଇମିସା ତାକେ କେମା କରବି, ଜଦି
କାଇଟା ମିସା ମୁଇ କରବାର୍ ରଇଲା, ତମର୍‌ପାଇ ମୁଇ କିରିସଟର୍
ମୁଆଟେ ସେମନ୍‌କେ କେମା ଦେଇସାରାଇ ଆଟି । ୧୧ ଜେକ୍ରିକି
ସଇତାନ୍, ଆମର୍ ଉପ୍‌ରେ ଜିତି ନାପାରେ, କାଇକେବଇଲେ, ସେ
କରିରଇବା ସବୁ ଜଜନା ଆମେ ଜାନ୍‌ଲୁନି ।

୧୨ *କିସଟର୍ ସୁବକବର୍ ଜାନାଇବାକେ ମୁଇ ଜେଡେବେଲେ
ଆଇଲି, ତରୁଆୟାଇ ସେବା କାମର୍‌ପାଇ ମାପ୍‌ରୁର୍ ବାଟ୍
ମେଲାଅଇଆଚେ ବଲି ମୁ ଜାନି ପାରଲି । ୧୩ ମାତର୍ ଆମର୍
ବାଇ ଡିତସକେ ବେଟ୍ ନ ଅଇଲି ଜେ ମର୍ ମନେ ମନେ ବେସି ଚିନ୍ତା
ରଇଗାଲା । ତେବର୍ ପାଇ ମୁଇ ତେଇର୍ ଲକ୍‌ମନ୍‌କେ ଗାଲିନିବେ
ବଲି ତେଇଅନି ମାକିଦନିଆଇ ଉଟିଗାଲି ।

ଜିସୁର୍ ଲାଗି ଜିଡ଼ବାରା

୧୪ ମାତର ପରମେସର ଦନିଅବାଦ୍ ପାଅ । କିରିସ୍ତତେଇ ମିସିରଇଲାରପାଇ ତାର ଜିଡ଼ଲା ଦଲର ଦାଡ଼ିତେଇ ବନ୍ଦି ଲକର ଇସାବେ ପରମେସର ଆମକେ ସବୁବେଲେ ଡାକିନେଲାନି । ସବୁଲକ୍‌କେ କିରିସ୍ତର ବିସଇ ଜାନାଇବାକେ ସେ ଆମର ଦେଇକରି କାମ୍ କଲାନି । ଜନ୍‌ଟା କି ଦୁପ୍ ପାରା ସବୁ ଜାଗାଇ ବାସନା ମାରସି । ୧୫ କାଇକେବଇଲେ ଆମେ କିରିସ୍ତ ପରମେସରକେ ପଡ଼ାଇ ଦେଇତେରଇବା ଦୁପ୍ ପାରା ଆରୁ । ଆମେ ଜାନାଇତେରଇବା ସୁବକବର ଗଟେକ୍ ସୁନ୍ଦର ବାସନା ପାରା ସବୁଲକ୍‌କେ ଗାଲାନି । ଗଟେକ୍ ବାଟର ଲକ୍‌ମନ୍ ଆଜିଗାଲାଇନି, ଆରି ଗଟେକ୍ ବାଟର ଲକ୍‌ମନ୍ ରକିଆ ପାଇଲାଇନି । ୧୬ ଜନ୍ ବାଟର ଲକ୍‌ମନ୍ ଆଜିଗାଲାଇନି, ସେମନ୍‌ରପାଇ ସେଟା ଗନ୍ । ଆରି ସେଟା ମରବା ବାଟେ ଡାକିନେଇସି । ମାତର ଜନ୍ ବାଟର ଲକ୍ ରକିଆ ପାଇଲାଇନି, ସେଟା ସେମନ୍‌କେ ସୁନ୍ଦର ବାସନା । ଆରି ସେଟା ନ ସାରବା ଜିବନ୍‌ତେଇ ଡାକିନେଇସି । ଏ ଆବଡ଼୍ କାମ୍ କେ ମିସା କରି ନାପାରଡ଼ । ୧୭ କେତେକ୍ ଲକ୍‌ମନ୍ ପରମେସରର ବାକିଅ ବେବାର୍ କରତେରଇବା ଜିନିସ୍ ପାରା ବାଇବାଇ, ମାତର ଆମେ ସେନ୍ତାର୍ ନାଇ । କାଇକେବଇଲେ ପରମେସର ଆମକେ ପାଟାଇଆଟେ । କିରିସ୍ତର ଗତିଦାଙ୍ଗ୍‌ତା ଇସାବେ, ଆମେ ତାର ମୁଆଟେ ସଡ଼ ବାକିଅ ଜାନାଇବୁ ।

୩

ନୁଆ ନିୟମର ଗତି

୧ ଆମେ ଆରିତରେକ୍ ନିଜ୍‌କେ ଉପରକେ ଉଟାଇବା କାତା କଇଲୁନି ବଲି ତମେ କୁଆ ନାଇ । ଆମେ ତେଇ ରଇବା କେତେଟା ଦରମ୍ ଗୁରୁମନ୍‌ର ପାରା ନାଇ । ବିନ୍ ଲକ୍‌ର ତେଇଅନି ଏ ଲକ୍ ନିକଟା ବଲି ଚିଟି ଆନ୍‌ଲେ, ତମେ ସେମନ୍‌କେ ଡାକି ନେଇସା, ଆରି ତମର ଜାଗା ଚାଡ଼ିକରି ଗାଲେ, ଏ ଲକ୍ ନିକଟା ବଲିକରି ତମରଟାନେଅନି ଏମନ୍ ଚିଟି ମାଙ୍‌ବାଇ । ଆମକେ ସେନ୍ତାରି ଚିଟି ଦରକାର ନାଇ । ୨ ତମେସେ ଆମର ମନ୍ ବିଡ଼ରେ ଲେକିଅଇ ରଇବା ଚିଟି । ସବୁ ଲକ୍ ତମକେ ଦେକ୍‌ବାଇ ଆରି ତମର ଚଲାଟଲୁଡ଼ି ଜାନ୍‌ବାଇ । ୩ କିରିସ୍ତ ଆମକେ ଏ ଚିଟି ଲେକ୍‌ଲା ଆଟେ । ଏଟା

ସିରା ସଙ୍ଗ୍ ଲେକା ଅଏନାଇ, ମାତର ଜିବନ୍ ରଇବା ପର୍ଯ୍ୟେସରର ଆତ୍ମା ସଙ୍ଗ୍ ଲେକାଅଇଆଚେ । ଏଟା ପାକନାଇ ଲେକା ନ ଅଇକରି ଲକ୍ଷ୍ମୀନର ମନ୍ଦିରରେ ଲେକାଅଇଆଚେ ।

୪ ଆରି କିସ୍ତର ଲାଗି ପର୍ଯ୍ୟେସରକେ ଆସା କରି ଆମେ ସାଆସ୍ ସଙ୍ଗ୍ କଇପାରୁଲୁନି । ୫ ଏ କାମ୍ ଆମେ ନିଜର ବପୁ ସଙ୍ଗ୍ କରି ପାରୁ ବଲି କଉନାଇ । ପର୍ଯ୍ୟେସର୍ ଆକା ଆମ୍‌କେ ବପୁ ଦେଇସି । ୬ ସେ ତା ଆମ୍‌କେ ବପୁ ଦେଲାଆଚେ, ଜେନ୍ତକି ଆମେ ତାର ନୁଆ ରାଜିନାମା କଲାଟା ସବୁକେ ଜାନାଇ ପାରୁ । ସେଟା ଲେକଲା ନିୟମ୍ ନଏ, ମାତର ତାର ଆତ୍ମା ଅନି ଅଇଲାଟା । ଲେକଲା ନିୟମ୍ ମରନ୍ ଆନ୍‌ସି, ମାତର ପର୍ଯ୍ୟେସରର ଆତ୍ମା ନ ସାରବା ଜିବନ୍ ଦେଇସି ।

୭ ମସାର ନିୟମ୍ ପରତମେ ଚେପଟା ପାକନାଇ ଲେକା ଅଇରଇଲା ଆରି ସେ ନିୟମ୍ ଦେଲାବେଲେ ପର୍ଯ୍ୟେସରର ମଇମା ଡିସ୍‌ତେରଇଲା । ମସାର ମୁଏ ରଇଲା ସେ ମଇମା ଉନା ଉନା ଅଇଜାଇତେରଇଲା । ଅଇଲେ ମିସା ତାର ଉଜଲ୍‌ପାଇ ଇସ୍ରାଏଲ୍‌ର ଲକ୍ଷ୍ମୀନ ତାର ମୁଏ ଆଁକି ସଙ୍ଗ୍ ନାପାର୍‌ତେରଇଲା । ଜଦି ପର୍ଯ୍ୟେସର ମରନ୍ ଆନ୍‌ବା ସେ ନିୟମ୍ ମଇମା ସଙ୍ଗ୍ ପାଟାଇରଇଲା, ଠେବେ ପର୍ଯ୍ୟେସରର ଆତ୍ମା ଅନି ଆଇବା ନୁଆ ରାଜିନାମା ଆରି କେତେକ୍ ଅଦିକ୍ ମଇମାସଙ୍ଗ୍ ରଇସି । ୮ ଲକ୍ଷ୍ମୀନ ଡଣ୍ଡ ପାଇବାଇ ବଲି ଜାନାଇ ଅଇବା କାମ୍, ଜଦି ମଇମା ସଙ୍ଗ୍ ଆଇଲା, ଠେବେ ଆମ୍‌ର ସବୁ ପାପ୍ କେମା ଅଇଲାଆଚେ ବଲି ଜାନାଇବା ବାକିଅ କେତେକ୍ ଅଦିକ୍ ମଇମା ଅଇରଇସି ? ୯ ପର୍ତ୍ତୁମ୍ ନିୟମ୍ ମଇମା ବେସି ଉଜଲ୍ ରଇଲା, ମାତର ଏବେ ନୁଆ ନିୟମ୍ ରାଜିନାମାର ଲାଗି ପୁରନା ନିୟମ୍ ମଇମା ଉନାଅଇଗାଲା ଆଚେ । ୧୦ ଜଦି ଆଗର୍ ପର୍ମାନ୍ ନିୟମ୍ ପାକାଇ କାତା ଦେଇରଇବାଟା ଚନେକ୍‌ପାଇ ଅଇଲେ ମିସା ମଇମାସଙ୍ଗ୍ ରଇଲା, ଠେବେ ନୁଆ ପର୍ମାନ୍ ନିୟମ୍ ପାକାଇ ଦେଇରଇବାଟା, ଜନ୍‌ଟା କି କେବେ ନ ସାରେ, ସେଟା କେତେକ୍ ଅଦିକ୍ ମଇମା ସଙ୍ଗ୍ ରଇସି !

୧୧ ଆମ୍‌କେ ଏ ଆସା ରଇଲାକେ, ଆମେ ବେସି ସାଆସ୍ ସଙ୍ଗ୍ ଆତୁ । ୧୨ ଆମେ ମସାର ପାରା ନାଇ, ସେ ମୁ ଡାବିଅଇ ରଇଲା । ଜେନ୍ତକି, ଲିବି ଆଇତେରଇବା ଆରି ଇସ୍ରାଏଲ୍‌ର ଲକ୍ଷ୍ମୀନ ତେଇର୍ ମଇମା

ଉନା ଅଇକରି ପୁରାପୁରୁନ୍ ଜିବାଟା ନ ଦେକଡ଼ । ^{୧୪} ସେବେଲେ ଇସ୍ରାଏଲର ଲକ୍ଷ୍ମୀମନ୍ ନ ବୁଝଡ଼େରଇଲାଇ, ତାକର ମନ୍ ଡାବ୍‌ଲା ପାରା ଅଇରଇଲା । ଆରି ସେମନ୍ ପୁରନା ରାଜିନାମାର ବଇମନ୍ ପଡ଼ଲାଇନି ଜେ ଏବକେ ଜାକ ବୁଝଡ଼ ନାଇ । ଜେଡେବେଲେ ଜାକ ସେମନ୍ କିରିସ୍‌ଟରଡେଇ ନ ମିସି ରଅଡ଼, ସେ ବେଲା ଜାକ ତାକର ମନର ଡାବ୍‌ନା ନ ବେଟି ଅଏ । ^{୧୫} ଏବେ ଜାକ ମିସା ସେମନ୍ ମସାର ନିୟମ୍ ପଡ଼ବାବେଲେ, ତାକର ମନ୍ ସେକ୍ତି ଡାବିସେ ଅଇରଇସି । ^{୧୬} ମାତର ସାସ୍‌ତର କଇଲାନି, “ଜଦି ଜେ ମାପୁରୁର ବାଟେ ମନ୍ ବାଉଡାଇଲେ, ତାର ମନେ ଡାବିଅଇ ରଇବାଟା ଉଗାଡି ଅଇସି ।” ^{୧୭} ଏ ଚିଟିଡେଇ ମାପୁରୁ ବଲି କଇବାଟା ଅଇଲାନି ଆଡ଼ମା ଆରି ମାପୁରୁର ଆଡ଼ମା ଜକ୍ତି ମିସା ରଇଲେ, ତେଇ ଆମେ ମୁକ୍ତି କରି ଆରୁ । ^{୧୮} ତେବେ ଆମେ ଜେଡ଼କି ଲକ୍ ସବୁ ମାପୁରୁକେ ବିସ୍‌ବାସ୍ କରିଆରୁ, ଆମର ମୁଁ ଡାବି ଅଏନାଇ । ପରମେସରର ବପୁ ଆରି ମଇମା ଦେକାଇଅଇବା ଗଟେକ୍ ଦରପନ୍ ପାରା ଆମେ ଆରୁ । ଆମେ ତାରପାରା ଅଇବା ଜାକ ଦିରେ ଦିରେ ବାଦ୍‌ଲାଇ ଅଇ ଆଇଲୁନି । ପରମେସରର ଆଡ଼ମାସେ ଆମକେ ବାଦ୍‌ଲାଇଲାନି ।

୪

ମାଟି ଆଣ୍ଡିଡେଇ ସରଗର ଦନ୍

^୧ ପରମେସର ତାର ଜିବନ୍ ଦୁକାଇକରି ଆମକେ ଏ ସେବାକାମ୍ ଦେଲାଆଟେ । ସେଟାରପାଇ, ଆମେ ବପୁ ନଇଲା ଲକର ପାରା କାମ୍ କରୁନାଇ । ^୨ ଆମେ ଲୁଟେ ରଇବା କାମ୍ କି ଲାଜ୍ କରାଇବା କାମ୍ କରୁନାଇ । ଆମେ ଲକ୍‌ମନ୍‌କେ ନାଡାଉ ନାଇ । ଆମେ ଜାନାଇଡେରଇବା ମାପୁରୁର ବାକିଅ ଡେଇ ମିଟ୍ ସିକିଆ ମିସାଉ ନାଇ । ମାତର ସବୁଲକ୍ ବୁଝିଲାପାରା ସଡ଼ ସିକିଆ ଦେଲୁନି । ଜେନ୍ତାର୍ କି, ମୁଇ କଇଲା ବାକିଅ ଲକ୍‌ମନ୍ ତାକର ବିବେକ୍‌ଟାନେ ସଡ଼ ବଲି ଜାନିବାଇ । ଆମେ କରବା ସବୁ କାମ୍ ପରମେସରର ମୁଆଟେ ଆଟେ । ^୩ ଜଦି ଆମେ ଜାନାଇବା ସୁବକବର ନ ବୁଝିବା ଲକ୍ ଆତଡ଼, ସେନ୍ତାର୍ ଆଲେ ସେମନ୍‌ସେ ଆଜିଜାଇରଇବା ଲକ୍ । ^୪ ଏ ଜଗତର କାରାପ୍ ସାସନ୍‌କାରିଆ ତାକର ମନ୍ ଆନ୍ଦାର୍ କରି ଦେଇଆଟେ ଜେ, ସେମନ୍ ବିସ୍‌ବାସ୍ କରଡ଼ ନାଇ । ଜନ୍ ଉଜଲ୍ ତାକର ଉପରେ ଉଜଲ୍

ଦେଲାନି, ସେଟା ନ ଦେକ୍‌ବାକେ ସେ ଆଗ୍‌ଟିଦେଲାନି । କିରିସ୍‌ଟର୍ ମଇମାର୍ ଉଜଲ୍ ତାର୍ ସୁବ୍‌କବରେଅନି ଆଇସି । କିରିସ୍‌ଟ ସମାନ୍ ପର୍‌ମେସରର୍ ପାରାସେ ଆଚେ ।^୫ କାଇକେବଇଲେ ଆମେ ନିଜର୍ ବିସଇ ଜାନାଇ ଅଉନାଇ । ମାତର୍ ଜିସୁ କିରିସ୍‌ଟ ଜେ କି ମାପ୍‌ରୁ, ତାର୍ ବିସଇ ଜାନାଇଲୁନି । ଜିସୁର୍ ଲାଗି ତମର୍ ଗତିଦାଙ୍‌ଡା ଇସାବେ ଆମେ ନିଜେ ଜାନାଇଅଇଲୁନି ।^୬ ପର୍‌ମେସର୍ ଜେ କି କଇଲା “ଉଜଲ୍ ଆନ୍ଦାରେ ଅନି ଉଜଲ୍ ଦେଇସି ।” ସେ ସମାନ୍ ପର୍‌ମେସର୍ କିରିସ୍‌ଟର୍ ମୁଏ ଅନି ତାର୍ ଉଜଲ୍ ଆମର୍ ବିତ୍‌ରେ ଉଜଲ୍ କରାଇଲା । ଜେନ୍ତାରି କି କିରିସ୍‌ଟ ତେଇ ରଇବା ପର୍‌ମେସରର୍ ମଇମା, ଆମେ ବୁଜି ପାର୍‌ବୁ ।

^୭ ଆମେ ଗଟେକ୍ ମାଟି ଆଣ୍ଟି ପାରା । କାଇକେବଇଲେ ଆମ୍‌କେ ବପୁ ନ ରଇଲେ ମିସା ପର୍‌ମେସର୍ ତାର୍ ବେସି ମୁଲିଅ ରଇବା ବାକିଅ ଆମ୍‌କେ ସର୍‌ପି ଦେଲାଆଚେ । ଜେନ୍ତାରି କି ଆମ୍‌କେ ବପୁ ନ ରଇକରି ପର୍‌ମେସର୍‌କେସେ ବେସି ବପୁ ଆଚେ ବଲି ଲକ୍‌ମନ୍ ଜାନ୍‌ବାଇ ।^୮ ଆମେ ସବୁ ରକାମର୍ ଦୁକ୍‌କସ୍‌ଟ ଅଇକରି ଗାଲୁନି, ଏଲେ ମିସା କସ୍‌ଟ ପାଉ ନାଇ । କେବେ କେବେ କାଇଟା କର୍‌ବୁ ବଲି ଗିଆନ୍ ନ ରଇଲା ଲକ୍‌ପାରା ଅଇଲୁନି, ଅଇଲେମିସା ମନ୍‌ଦୁକ୍ କରୁ ନାଇ ।^୯ ସତ୍‌ରୁମନର୍ ଟାନେଅନି ଉଡା ସୁନି ସୁନି ରଇଲୁ, ଏଲେମିସା ମାପ୍‌ରୁ ଆମ୍‌କେ ଚାଡେ ନାଇ । ଆମର୍ ଗାଗ୍‌ଡେ କେଡେକ୍ କେଡେକ୍ ମାଡ୍ ଅଇଲା । ଅଇଲେ ମିସା ମାପ୍‌ରୁ ଆମ୍‌କେ ବିନାସ୍ ଅଇବାକେ ଦେଏନାଇ ।^{୧୦} ଆମେ ସବୁବେଲେ ଜିସୁର୍ ମରନ୍ ଆମର୍ ଗାଗ୍‌ଡେ ଏତାଇଲୁନି । ଜେନ୍ତାରି ଜିସୁର୍ ଜିବନ୍‌ମିସା ଆମର୍ ଗାଗ୍‌ଡେ ତିସି ।

^{୧୧} ଆମେ ଜିସୁର୍ ସଙ୍ଗ୍ ରଇଲାର୍ ପାଇ ବ୍‌ଟ୍‌ବାଜାକ ମର୍‌ବା ବିପଦେ ଆରୁ । ଜେନ୍ତାରି ଲକ୍‌ମନ୍ ଏ ମର୍‌ବା ଗାଗ୍‌ଡେ ଜିସୁ ବ୍‌ଟିରଇବାଟା ଦେକ୍‌ବାଇ ।^{୧୨} ଏନ୍ତାରିସେ ଆମେ ମରନ୍ ଦାରିଆରୁ । ମାତର୍ ତମର୍‌ଟାନେ ଜିବନ୍ ଅଇ ଆଇଲାନି । କାଇକେବଇଲେ ତମେ ନ ସାର୍‌ବା ଜିବନ୍ ପାଇସା ।

^{୧୩} ସାସ୍‌ତରେ ଲେକା ଅଇଲାପାରା “ ମୁଇ ବିସ୍‌ବାସ୍ କଲି, ତେବର୍‌ପାଇ ମୁଇ କାତା ଅଇଲି ” । ସେ ସମାନ୍ ବିସ୍‌ବାସ୍‌

ଆତ୍ମା, ଜନ୍ମ ବାକିଅ ମୁକ୍ତ ବିସ୍ତାସ କଲିଆଟି, ସେଟାସେ ମୁକ୍ତ ଏବେ ଲକ୍ଷ୍ମୀନକେ ଜାନାଇଲିନି । ^{୧୪} କାଇକେ ବଇଲେ ଆମେ ଜାନିଆରୁ ପର୍ଯ୍ୟେସର୍ ଜେ କି ମାପୁରୁ ଜିସୁକେ ଜିବନ୍ କରି ଉଟାଇଲା, ସେ ଆମ୍ଭେ ମିସା ମାପୁରୁ ଜିସୁର ସଙ୍ଗ ଉଟାଇସି । ଆରି ତମର୍ ସଙ୍ଗ ଆମ୍ଭେ ମିସା ପର୍ଯ୍ୟେସର୍ ମୁଆଟେ ନେଇସି । ^{୧୫} ତେବର୍ପାଇ ଜେଡୁକି ସବୁ ସାଦନା ବାନ୍ଦନା ଆଇଲାନି, ସେ ସବୁ ବିସଇ ତମର୍ ମଙ୍ଗଲପାଇ ସେ ଅଇଲାନି । ପର୍ଯ୍ୟେସର୍ ଜିବନ୍ ଦୁକାଇଲାଟା ଅଦିକ୍ ଅଦିକ୍ ଅଇକରି ଲକ୍ଷ୍ମୀନରଟାମେ କେଟସି, ଆରି ସେମନ୍ ସବୁଲକ୍ ତାକେ ଦନିଅବାଦ୍ ଦେବାଇ ।

ବିସ୍ତାସ କରି ଜିଇବାଟା

^{୧୬} ତେବର୍ପାଇ ଆମେ ସାଆସ୍ ନ ଅଇରଇବା ଲକର୍ ପାରା ନ ଅଉଁ । କାଇକେବଇଲେ ଆମର୍ ବାଇରର୍ ଗାଗଡ୍ ମରିମରି ଆଇଲେ, ମିସା ବିତ୍ତରେ ରଇବା ଲକ୍ ଦିନକେ ଦିନ୍ ନୁଆ ଅଇ ଆଇଲାନି । ^{୧୭} କାଇକେ ବଇଲେ ଆମର୍ ଦୁକ୍ କସ୍ଟ ସବୁ ଉନା ଅଇକରି ଚନେକର୍ପାଇ । ମାତର୍ ସେଟା ଆମ୍ଭେ ନ ସର୍ବା ସବୁଦିନର୍ ମଇମା ଆନ୍ସି । ସେଟା ଆମର୍ ଦୁକ୍ କସ୍ଟ ଟାନେଅନି ବଡ଼ ରଇସି । ^{୧୮} ତେବର୍ ପାଇ ଆମେ ଏ ଜଗତେ ତିସ୍ତା ବିସଇ ଆସା ନ କରି ନ ତିସ୍ତା ବିସଇ ଆସା କଲୁନି । କାଇକେବଇଲେ ଦେକ୍‌ବା ବିସଇ ସବୁଦିନ୍ ନ ରଏ, ମାତର୍ ନ ଦେକ୍‌ବା ବିସଇ ସବୁ ଦିନର୍ପାଇ ରଇସି ।

୫

^୧ ଆମର୍ ଗାଗଡ୍ ତୁମ୍ ଟାନିକରି ବାନ୍ଦିରଇବା ଗର୍ପାରା । ଆରି ଆମେ ଜାନୁ ଜେ ଜେଡେବେଲେ ମିସା ଏଟା ବାଞ୍ଜି ଜାଇସି, ତେବେ ସରଗେ ରଇବାପାଇ ଆମ୍ଭେ ଗଟେକ୍ ଗର୍ ଆଟେ । ଏଟା ନିଜେ ପର୍ଯ୍ୟେସର୍ ତିଆର୍ କଲାଟା । ସେଟା କେବେ ବିନାସ୍ ନ ଅଏ । ସବୁ ଦିନର୍ପାଇ ରଇସି । ^୨ ମାତର୍ ଆମେ ଏ ଜଗତେ ରଉ ରଉ ଏଡୁକି କସ୍ଟ ପାଇଲୁନି । ସରଗେ ରଇବା ଆମର୍ ନୁଆ ଗାଗଡ୍ ଏବେଆକା ଆମ୍ଭେ ମିଲ ବଲି ଆମେ ମନ୍ କଲୁନି । ^୩ କାଇକେବଇଲେ ମଲାତେଇଅନି ଆମ୍ଭେ ଉଟାଇଲାବେଲେ ଆମର୍ପାଇ ଗଟେକ୍ ଗାଗଡ୍ ଦରକାର୍ ଆଟେ । ^୪ ଏ ଜଗତେ ଆମେ ବଠି ରଇଲାବେଲେ,

ଇତିର ଗାଗଡ଼ ନେଇକରି ଜେଡ଼କି ଦୁକ୍ କସ୍ତ ପାଇବାର ଆଚେ, ସେଟା ସବୁ ବଇକରି ଆଉଜି ଗାଲୁନି । ମାତର ଏ ଗାଗଡ଼ ଚାଡ଼ିବାକେ ଆମେ ମନ୍ କରୁ ନାଇ । ସର୍ଗେ ଅନି ଆଇବା ନୁଆ ଗାଗଡ଼ ଆମ୍ବକେ ମିଲ ବଲି ମନ୍ କଲୁନି । ସେନ୍ତାରୁଆଲେ ମରନ୍‌କେ ସର୍ପି ଦେଇରଇବା ଏ ଗାଗଡ଼ର ବାହୁଲେ ସବୁଦିନର ପାଇ ଜିବନ୍ ରଇବା ଗଟେକ୍ ଗାଗଡ଼ ମିଲାଇବୁ । ^୫ ମାତର ପର୍ମେସର୍ ଆମର୍ପାଇ ଏ ସବୁ ବିସଇ ଜାଗାଇଦେଇ ସାରାଇଆଚେ । ଜେଡ଼ିକି ଆଇବା ଦିନମନ୍‌କେ ଏଟାସବୁ ଅଇସି । ଏଟା ସବୁ ସେ ପୁରାପୁରୁନ୍ କର୍ସି ବଲି ଆମ୍ବକେ ଚିନ୍ ଇସାବେ ସୁକଲ୍ ଆଡ଼ମା ଦେଲାଆଚେ ।

^୬ ସେଟାର ପାଇ ଆମେ ସବୁବେଲେ ସାଆସ୍ ଅଇକରି ଆରୁ । ଏ ସାର୍‌ବା ଗାଗଡ଼େ ଆମେ ରଉ ରଉ, ମାପୁରୁ ରଇବା ଗରେ ଅନି ଦୁରିକେ ବାସା ଅଇଆରୁ ବଲି ଜାନିଆରୁ । ^୭ ଏ ଜଗତେ ରଇବା ଆମର୍ ଜିବନ୍, ପର୍ମେସର୍‌ଗାନେ ବିସ୍‌ବାସ୍ କରି ରଇଲୁନି । କାଇକେବଇଲେ ଜନ୍ ଜାଗାଇ ଆମେ ବାସା ଅଇବାକେ ଗାଲୁନି, ସେ ଜାଗା ଏବେଜାକ ଆମେ ଦେକୁ ନାଇତା । ^୮ ଓ ଆମର୍ ବିସ୍‌ବାସ୍ ସବୁବେଲେ ଡାଞ୍ଚ ଆଚେ । ଏ ସାରିଜିବା ଗାଗଡ଼ ଚାଡ଼ିକରି ମାପୁରୁ ଗରେ ଜିବାକେ ବଲି ଆମେ ଜାନିଆରୁ । ^୯ ମାତର ଏବେ ଆମେ ଜନ୍ତି ରଇଲେ ମିସା, ଏ ଜଗତେ ରଇଲେ କି, ପର୍ମେସର୍ ରଇବାଟାନେ ରଇଲେ ମିସା, ସେ ଜନ୍‌ଟା ଆମର୍‌ଗାନେଅନି ଆସା କଲାନି, ସେଟା ପୁରାପୁରୁନ୍ ଅ ବଲି ଆମେ ମନ୍ କଲୁନି ।

^{୧୦} *ଆମେ ସବୁଲକ୍ କିରିସର୍‌ର୍ ମୁଆଟେ ଆଇବାକେ ପଡ଼ସି । କାଇକେବଇଲେ ସେ ଆମର୍ କାମ୍ ବିଚାର୍ କର୍ସି । ଏ ଜଗତେ ରଇକରି ଆମେ ଜନ୍‌ଟା କଲୁଆରୁ, ସେଟା ନିକ ଅ କି ନ ଅ, ସେ ଇସାବେ ଆମ୍ବକେ ଗଟେକ୍ ଗଟେକ୍ ଲକ୍‌କେ ବୁଡ଼ି ମିଲ୍‌ସି ।

କିରିସର୍‌ର୍ ଦେଇ ପର୍ମେସର୍ ସଙ୍ଗ୍ ମଇତରୁ

^{୧୧} ଆମେ ଜାନିଆରୁ ମାପୁରୁ ଆମ୍ବକେ ବିଚାର୍ କର୍ବାବେଲେ ଗଟେକ୍ ଡର୍‌ବା ବେଲା ଅଇସି । ସେଟାରୁପାଇ ଆମେ ଲକ୍‌ମନ୍‌କେ ମାନାଇଲୁନି । ପର୍ମେସର୍ ଆମ୍ବକେ ପୁରାପୁରୁନ୍ ଜାନଲାନି । ଆରି ମୁଇ ଆସା କଲିନି ତମେ ମିସା ତମର୍ ମନେ ମନେ ମକେ ଜାନିରୁଆ

। ୧୭ ଏଟା ସବୁ ଲେକିକରି ତମେ ଆମ୍ଭଙ୍କେ ଆରିତରେକ୍ ଏ ଲକ୍ ନିକ ବଲିକରି କୁଆଇଅଇବାକେ ଆମେ ମନ୍ କରୁନାଇ । ମାତର୍ ଆମେ ଆସା କର୍ବାଟା ଟିକ୍ ଆଟେ, ସେଟା ତମେ ଜାନା ବଲି ଆମେ ମନ୍ କଲୁନି । ଆରି ଜନ୍ ଲକ୍ମନ୍ ନିକ ଗୁନ୍ ନ ମାନିକରି, ବାଇରେ ଡିସ୍ବା ବିସଇଟାଣେ ବଡ଼ପନ୍ ଅଇବାଇ, ସେମନ୍କେ ବୁଜାଇପାରାସ୍ । ୧୮ କେତେଲକ୍ ଆମେ ବାୟା ଅଇଗାଲୁଆରୁ ବଲି ବାବ୍ବାଇ । ସେନ୍ତାଆଲେ ସେନ୍ତି ଅଇବାଟା ପର୍ମେସର୍ ମନ୍ କଲା ଇସାବେ । ଜଦି ଆମେ ନିକ ଆରୁ ବଲି ବାବ୍ଲେ ସେଟା ତମର୍ ବଲ୍ ପାଇ । ୧୯ କିରିସ୍ଟର୍ ଆଲାଦ୍ ଆମ୍ଭଙ୍କେ ବାବ୍ ଦେକାଇଲାନି । ସେଟା ଆମେ ଜାନିଆରୁ । ସେଟାର ଲାଗି ଆମେ ସବୁଲକ୍ ତାର ମରନେ ମିସିଆରୁ । ୨୦ ସେ ସବୁ ଲକ୍ପାଇ ମଲାଆଟେ । ଜେନ୍ତି କି ଜନ୍ଲକ୍ମନ୍ ବୈତି ଆତଡ଼, ସେମନ୍ ନିଜର୍ ପାଇ ନ ବୈତି । ଜେ ତାକର୍ ପାଇ ମରିକରି ଜିବନ୍ ଅଇ ଉଟ୍ଲା, ଅବ୍କା ତାର ପାଇସେ ବୈବାର୍ ଆଟେ ।

୨୧ ଏ ଜଗତର୍ ଲକ୍ମନ୍ ବିଚାର୍ କଲାପାରା ଆମେ ଲକ୍ମନ୍କେ ବିଚାର୍ନା କରୁନାଇ । ପୁର୍ବେ ଆମେ କିରିସ୍ଟକେ ମିସା ଏ ଜଗତର୍ ଲକ୍ ବିଚାର୍ କଲାପାରା କର୍ତେରଇଲୁ । ମାତର୍ ଏବେ ଆମେ ସେନ୍ତି କରୁନାଇ । ୨୨ ଜେ ଜଦି କିରିସ୍ଟ ସଙ୍ଘ୍ ମିସଲେ ସେ ଗଟେକ୍ ନୁଆ ଲକ୍ ଅଇସି । ପୁର୍ନା ଚଲାଚଲ୍ତି ଆରି ନାଇନି, ସବୁଜାକ୍ ନୁଆ ଅଇଗାଲା ଆଟେ । ୨୩ ଏଟା ସବୁ ପର୍ମେସର୍ କଲାଆଟେ । ସେ କିରିସ୍ଟକେ ଦେଇ ଆମ୍ଭଙ୍କେ ସବୁରୁ ରଇବା ତେଇଅନି ମଇତର୍ କରିଆଟେ । ବିନ୍ ଲକ୍ମନ୍କେ ମିସା ତାର ମଇତର୍ କରାଇବା କାମ୍ ଆମ୍ଭଙ୍କେ ସର୍ପି ଦେଲାଆଟେ । ୨୪ ତେବେ ଆମେ ଏ ବିସଇ ଜାନାଇଦେଲୁନି, ଜେ କିରିସ୍ଟର୍ ଲାଗି ପର୍ମେସର୍ ସବୁ ମୁନୁସ୍ ଜାତିକେ ତାର ନିଜର୍ ମଇତର୍ କରିପାର୍ସି । ଆରି ସେ ତାକର୍ ସବୁ ପାପ୍ କେମା କରିଦେଇସି । ବିନ୍ ଲକ୍ମନ୍କେ ମିସା ତାର ମଇତର୍ କରାଇବା କାମ୍ ଆମ୍ଭଙ୍କେ ସର୍ପି ଦେଲାଆଟେ ।

୨୫ ପର୍ମେସର୍ ଆମ୍ଭଙ୍କେ ଦେଇ ତମ୍ଭଙ୍କେ ବାବୁଜିଆ କଲାନି । ଏଟାପାଇ କିରିସ୍ଟ ଆମ୍ଭଙ୍କେ ପାଟାଇଲା ଆଟେ । ଆରି କିରିସ୍ଟର୍ ଲାଗି ଆମେ ମିସା ତମ୍ଭଙ୍କେ ବାବୁଜିଆ କଲୁନି । ପର୍ମେସର୍ ତମ୍ଭଙ୍କେ ସବୁଟାଣେଅନି ମଇତର୍ କର । ୨୬ କିରିସ୍ଟକେ କାଇ ପାପ୍ ନ

ରଇଲା । ମାତର ଆମର ପାପର ପାଇ ଆକା ସେ ଡଣ୍ଡ ପାଅ ବଲି ପରମେସର ଟିକ୍ କଲା । କିରିସ୍ଟ ସଙ୍ଗ୍ ମିସଲାରୁପାଇ ଏବେ ପରମେସର ଆମକେ ଦରମ୍ ଲକ୍ ଇସାବେ ଦେକଲାନି ।



^୧ ତେବେ ପରମେସରର ଏ କାମେ, ଆମେ କାମକରୁମନ୍ ଅଇଲୁଆରୁ ଜେ, ତମକେ ଆମେ ବାବୁଜିଆ କଲୁନି । ତମେ ତାର ଜିବନ୍ ଦୁକାଇଲାଟା ମିଲାଇ ଆଗାସ୍ । ସେଟା ରୁଚାଇ ନ ଅ ।
^୨ ପରମେସର କଇବାଟା ସୁନା ।

“ତମକେ ଦୟା ଦେକାଇବା ବେଲା ସମାନ୍ ଅଇଲାକେ,

ମୁଇ ତମେ ଗୁଆରି କଲାଟା ସୁନୁଲି ।

ଜନ୍ ଦିନେ ମୁଇ ମୁକଲାଇବା ଦିନ୍ ବଲି ଟିକ୍ କଲି,

ସେ ଦିନେ ମୁଇ ତମକେ ସାଇଜ କଲି ।”

ସୁନା ! ପରମେସର ତମକେ ତାର ଆଲାଦ୍ ଦେକାଇବି ବଲି, ଟିକ୍ କଲା ଦିନ୍ ଆଜିସେ । ତମର ପାପର ଡଣ୍ଡେ ଅନି ସେ ତମକେ ରକିଆ କରବା ଦିନ୍ ଆଜି ସେ ।

^୩ ଜେଡିକି ଆମର ସେବା କାମେ ଲକ୍ମନ୍ ଆମକେ ଦସ୍ ନ ଦାରଡ୍ ବଲି ଆମେ ମନ୍ କରୁନାଇ । ସେଟାରୁପାଇ କିରିସ୍ଟର ପତେ ଜିବା ଲକ୍ମନ୍କେ ଆମକେ ଆଗୁଟୁ ନାଇ ।^୪ ତାର ବାବୁଲେ ଆମେ ଜାଇଟା କଲେ ମିସା ପରମେସରର ସେବାକାରିଆ ଇସାବେ କଲୁନି । ଜେଡିକି, କିରିସ୍ଟର ଲାଗି ଉଡାସୁନ୍ବା ଟାନେ, ଦୁକ୍ କସ୍ଟ ଟାନେ, ଆମେ ସାଆସ୍ ଅଇ ମୁରଟିକରି ଆରୁ ।^୫ ଆମେ କରଡା ମାଡ୍ କାଇ ବନ୍ଦି ଗରେ ରଇଆରୁ, ମାନ୍ଦା ଲକ୍ମନ୍ ଟାନେ ଅନି କେଦାଇଅଇଆରୁ, ବେସି ଆବଡ୍ କାମ୍ କରି ଆରୁ, ନ ସଇକରି ରଇଲୁଆରୁ, ଦିନ୍ ଦିନ୍ ଦାରି ନ କାଇ ନ ପିଇ କରି ରଇଆରୁ ।^୬ ଆମର ସୁକଲ୍ କାମେ, ଆମର ଗିଆନେ, ଆମର ମୁରଟି ରଇବାଟାନେ, ଆମର ଦୟା ଦେକାଇବାଟାନେ, ସୁକଲ୍ ଆଡ୍ମାଟାନେ, ଆମର ସଡ୍ ଆଲାଦ୍ ଟାନେ, ଆମେ ପରମେସରର ସେବା କାରିଆ ବଲିକରି ଜାନାଇ ଅଇଲୁନି ।^୭ ଆମେ ସିକାଇବା ବାକିଅ ସଡ୍ ବାକିଅ । ଆରି ଆମର ସଙ୍ଗ୍ ପରମେସରର ବପୁ ଆତେ । ପରମେସର ଦେକବା ଇସାବେ, ଆମରୁ

ଦରମ୍ ବଲାଇ ଅଇବାଟା ଗଟେକ୍ ଆଡ଼ଆଡ଼ିଆର୍ ପାରା । ଆମର୍ ସତ୍ତରୁମନର୍ ବିରୁଦେ ଜୁଙ୍ଗବାକେ ଆରି ନିଜକେ ରକିଆ ପାଇବାକେ, ସେଟା ବାଇଲୁନି । ୮ କେବେ କେବେ ଆମ୍‌କେ ସନ୍‌ମାନ୍ ମିଲଲାନି । ମାତର୍ କେବେ କେବେ ତଲେ ପାକାଇଲାଇନି । କେବେ କେବେ ନିକ ଲକ୍ ବଲାଇଅଇଲୁନି । ମାତର୍ କେବେ କେବେ ଆମେ ନିନ୍ଦା ପାଇଲୁନି । ୯ ଆମେ ମିରୁଆ ବଲାଇଅଇଲୁନି । ମାତର୍ ସତ୍ କାତା କଇଲୁନି । ନାଜାନତେ ରଇଲେ ମିସା ସବୁଲକ୍ ଜାନି ଆତଡ଼ । ମଲା ସମାନ୍ ରଇଲୁ, ମାତର୍ ଆଜିକେ ଜାକ ବଞ୍ଚିଆରୁ । ତଣ୍ ପାଇଲୁ ମିସା ମରୁନାଇ । ୧୦ ବେସି ଦୁକେ ରଇଲେ ମିସା ସାରଦା ସଙ୍ଗ୍ ଆରୁ । ଆମେ ଅରକିଡ଼ ପାରା ଅଇରଇଲେ ମିସା, ବିନ୍ ଲକ୍‌ମନକେ ସାଉକାର୍ କରାଇଆରୁ । ଆମେ କାଇଟା ନ ରଇବା ଲକର୍ ପାରା ଆରୁ, ମାତର୍ ସବୁଜାକ ଆମର୍‌ଟା ।

୧୧ ଏ କରକ୍ରିୟ ରଇବା ଆମର୍ ମଇତରମନ୍, କାଇ କପଟ୍ ନ କରି, ଆମର୍ ମନେ ଜାଇଟା ରଇଲା, ସେଟା ସବୁ ତମର୍ ମୁଆଟେ କଇଲୁଆରୁ । ଆମେ ତମ୍‌କେ ବେସି ଆଲାଦ୍ କଲୁନି । ୧୨ ତମର୍‌ପାଇ ବଲିକରି ଆମର୍ ଆଲାଦ୍ ଉନା ଅଏ ନାଇ । ମାତର୍ ଆମର୍ ପାଇ ରଇବା ତମର୍ ଆଲାଦ୍ ଉନା ଅଇଆଟେ । ୧୩ ନିଜର୍ ପିଲାମନକେ କଇଲା ପାରା ତମ୍‌କେ କଇଲିନି, ଆମେ ଜେନ୍ତାରି କି ତମ୍‌କେ ଆଲାଦ୍ କଲୁନି, ସେନ୍ତାରିସେ ତମେ ଆମ୍‌କେ ଆଲାଦ୍ କରା ।

ବିସ୍‌ବାସ୍ ନ କଲା ଲକ୍‌ମନର୍ ଟାନେ ଜାଟାଇ ଉଆନାଇ

୧୪ ତମେ ବିସ୍‌ବାସ୍ ନ କର୍‌ବା ଲକ୍‌ମନର୍ ସଙ୍ଗ୍ ମିସିକରି କାମ୍ କରାନାଇ । ସେ କାମ୍ କେବେମିସା ନ ଅଏ । କାଇକେବଇଲେ ସତ୍ ଆରି ମିଡ଼ ମିସାଇ ନ ଅଏ । ଉଜଲ୍ ଆରି ଆନ୍ଦାର୍ ନ ମିସଡ଼ । ୧୫ କିରିସ୍‌ଟ ଆରି ସଇତାନ୍ କାଇ ବିସଇଟାନେ ମିସା ରାଜି ନ ଅଅଡ଼ । ଗଟେକ୍ ବିସ୍‌ବାସ୍ କର୍‌ବା ଲକ୍ ଆରି ଗଟେକ୍ ବିସ୍‌ବାସ୍ ନ କର୍‌ବା ଲକ୍, ଗଟେକ୍ ଟାନେ ମିସିକରି ନ ରଅଡ଼ । ୧୬ *ପର୍‌ମେସରର୍ ମନ୍ଦିରେ ପୁଡ଼ଲା ପୁଜା କର୍‌ବାର୍ ନ ଅଏ । ଆମେ ପର୍‌ମେସରର୍ ମନ୍ଦିର୍ ପାରା । କାଇକେବଇଲେ ଜିବନ୍ ରଇବା ପର୍‌ମେସର୍ ଆମର୍ ବିଡ଼ରେ ବାସା ଅଇଆଟେ । ସେ ନିଜେ କଇଲାଆଟେ

“ ଜନ୍ ଲକ୍ମନ ମର ଲକ୍ମ,
 ମୁଇ ସେମନର୍ ସଙ୍ଗ୍ ରଇବି ।
 ତାକର୍ ବିତ୍ତରେ ଚାଲାଗୁଲା କର୍ବି । ମୁଇ ସେମନର୍ ପର୍ମେସର୍
 ଅଇବି ।
 ଆରି ସେମନ ମର୍ ଲକ୍ ଅଇବାଇ ।”

^{୧୭} ତେବେ ମାପୁରୁ କଇଲାନି,
 “ ଜନ୍ ଲକ୍ମନ ମର୍ ସଙ୍ଗ୍ ଆସତ୍ ନାଇ,
 ସେ ମାନ୍ଦାଇ ଅନି ଚାଡ଼ି କରି ବେଗଲି ଉଟିଆସା ।
 ସୁକଲ୍ ନ ରଇବା କାଇଟା ମିସା ତିଆନାଇ ।
 ସେନ୍ତାଆଲେ ମୁଇ ତମ୍ବକେ ତାକିନେବି ।”

^{୧୮} ମୁଇ ତମର୍ ବାବା ଅଇବି ଆରି,
 ତମେ ମର୍ ପିଲାଜିଲା ଅଇସା ।
 ଏଟା ସବୁରଟାନେ ଅନି ବପୁ ରଇବା
 ମାପୁରୁ କଇଲାନି ।



^୧ ତେବର୍ପାଇ ଏ ମର୍ ଆଲାଦର୍ ମଇତର୍ମନ, ପର୍ମେସର୍
 କାତା ଦେଇରଇବାଟା ସବୁ ଆମ୍ବକେ ସର୍ପିଆଟେ । ତେବର୍ପାଇ
 ଜନ୍ଟା ସବୁ ଆମର୍ ଗାଗଡ଼କେ ଆରି ଆଡ଼ମାକେ ସୁକଲ୍ ନ କରାଏ,
 ସେଟା ସବୁ ଚାଡ଼ିଦେଉଁ । ପର୍ମେସର୍କେ ଡରିରଇକରି ପୁରାପୁରୁନ୍
 ସୁକଲ୍ ଅଇରଉଁ ।

ପାଉଲ୍ ସାର୍ଦା ଅଇଲାଟା

^୨ ତମେ ଆମ୍ବକେ ଅଦିକ୍ ଆଲାଦ୍ କରବା ଦର୍କାର୍ । ଆମେ ତମର୍
 ବିରୁଦେ କାଇ ଦସ୍ କରୁନାଇ । ଆମେ କାକେ ନସର୍ କରୁନାଇ, କି
 କାକେ ନାଡ଼ାଉ ନାଇ । ^୩ ମୁଇ ତମ୍ବକେ ଦସ୍ଦେବାକେ ଏ କାତା
 କଇନାଇ । ଆଗ୍ତୁ କଇଲାପାରା, ଆମେ ତମ୍ବକେ ସଡ଼ସେ ଆଲାଦ୍
 କଲିନି, ବୁଟି ରଇଲେ କି ମଲେ ମିସା, ତମେ ଆମର୍ ମନ୍ ବିତ୍ତରେ
 ଆରାସ୍ । ^୪ ତମର୍ ଲଗେ ମର୍ ବିସବାସ୍ ଆଟେ । ଆରି ମୁଇ ତମର୍
 ବିସଇନେଇ ବଡ଼ପନ୍ ଅଇଲିନି । ଆମେ ବେସି ଦୁକ୍ କସର୍ ଆଇଲେ
 ମିସା ସାଆସ୍ ଦାରି ଆତୁ । ମର୍ ମନ୍ବିତ୍ତରେ ସାର୍ଦା ଅଦିକ୍ ଅଦିକ୍
 ଅଇକରି ଉଚ୍ଲି ଗାଲାନି ।

୫ ☆ଆମେ ମାକିଦନିଆଇ ଆଇଲାପତେ ମିସା ଚନେକ୍ ପୁଣ୍ଡୁନୁଇ । କାଇକେବଇଲେ ତେଇ ଦୁକ୍ କସ୍ତ ରଇଲା, କେତେଲକ୍ ଆମର୍ ବିରଦେ କଇ ଲାଗାଜଡା କଲାଇ । ଆମେ ମନ୍ ବିଡ଼ରେ ବେସି ଡରିଜାଇତେ ରଇଲୁ । ୬ ମାତର୍ ଜେ କି ଆକା ସାକା ନ ରଇବା ଲକ୍ମନ୍ଦେ ଦୁକ୍ ସାରାଇବା ପର୍ମେସର୍ ତିତସ୍ତେ ଆନାଇ କରି ଆମ୍ବେ ସାରଦା କରାଇଲା । ୭ ଅବ୍‌କା ସେ ଆଇଲାକେସେ ଆମେ ସାରଦା ଅଉନାଇ, ମାତର୍ ତମର୍ ଲାଗି ତିତସ୍ତ ବେସି ସାରଦା ଅଇଗାଲା ବଲି ଆମ୍ବେ କଇଲାର୍‌ପାଇ ମିସା ସାରଦା ଅଇଲୁ । ତମେ ମକେ ଦେକ୍‌ବାକେ ମନ୍ କଲାସ୍‌ନି ବଲି ମିସା ସେ କଇଲା । ଆରି ତେଇ ମକେ ଜେଡ଼କି ଗଟ୍‌ଲା, ସେଟାର୍‌ପାଇ ଦୁକ୍ ଅଇକରି ଆତାସ୍ । ଆରି ତମେ ମର୍‌ବାଟେ ଅଇକରି କଇବାକେ ମିସା ରାଜିଆତାସ୍ । ଏଟାମନ୍ ସବୁ ସୁନିକରି ମୁଇ ବେସି ସାରଦା ଅଇଗାଲି ।

୮ ମର୍ ଚିଟିରଲାଗି ତମେ ଦୁକ୍ ଅଇରଇଲେ ମିସା, ସେ ଚିଟି ତମ୍ବେ ପାଟାଇଲି ବଲି, ମୁଇ ଦୁକ୍ କରିନାଇ । ସେ ଚିଟିର ଲାଗି ତମେ ଚନେକର୍ ପାଇ ଦୁକ୍ କରିରଇଲାସ୍ ଜେ ଜାନିକରି, ମୁଇ ମିସା ଦୁକ୍ ଅଇରଇଲି, ଏଟା ସଡ଼ । ୯ ମାତର୍ ମୁଇ ଏବେ ସାରଦାସଙ୍ଗେ ଆତି । ତମ୍ବେ ଦୁକ୍‌ଦେଇ ଆତି ବଲିକରି ନାଇ, ମାତର୍ ସେ ଦୁକ୍‌ର୍ ଲାଗି ତମେ ତମର୍ ଚଲାଚଲ୍‌ତି ବଦ୍‌ଲାଇଲାସ୍ । ସେ ଆସିରଇବା ଦୁକ୍ ପର୍ମେସର୍‌ର୍ ମନ୍ କଲା ଇସାବେ ଅଇବାଟା । ଜେନ୍ତିକି ମାନିଆଇସା । ସେନ୍ତାର୍‌ଆଲେ ଆମେ ତମର୍ ପାଇ କାଇ ବାଦା ଆନୁନାଇ । ୧୦ କାଇକେବଇଲେ ଜଦି ଗଟେକ୍ ଲକ୍‌ର୍ ଦୁକ୍ ପର୍ମେସର୍‌ର୍ ମନ୍ କଲା ଇସାବେ ଆଇସି, ସେଟା ନିଜର୍ ପାପ୍ କଲାଟା ମାନିଅଇକରି, ମନ୍ ବାଉଡାଇବାକେ ଲଡାକେ ଆଇସି । ତେଇ କାଇ ମିସା ଦୁକ୍ ନାଇ । ମାତର୍ ମୁନୁସ୍‌ମନ୍‌ର୍ ଟାନେଅନି ଅଇବା ଦୁକ୍ ମରନ୍‌ବାଟେ ଡାକିନେଇସି । ୧୧ ତମ୍ବେ ଦୁକ୍ ଦେଇକରି ପର୍ମେସର୍ କାଇଟା କଲାଆତେ ଦେକିଦେକା । ଜେନ୍ତିକି ଏବେ ତମେ ଚିକ୍ ଚଲାଚଲ୍‌ତି କର୍‌ବାକେ ମନ୍ କଲାସ୍‌ନି, ବୁଲ୍ କାମ୍ କରୁନାଇ ବଲି ବୁଜାଇବାକେ ଚେସ୍‌ଟା କଲାସ୍‌ନି, ଲାଜ୍ ପାଇବା କାମ୍ କର୍‌ବାକେ ବାକାନ୍‌ଲାସ୍‌ନି, ଡରିକରି ଆତାସ୍, ଆମେ ଆରିତରେକ୍

ବେଟ୍ ଅଇବୁ ବଲି ମନ୍ କଲାସ୍‌ନି, ମକେ ସାର୍‌ଦା କରାଇବାକେ ମନ୍ କଲାସ୍‌ନି, ପାପ୍ କଲା ଲକ୍‌କେ ଦାପ୍‌ରେ ଡଣ୍ଟ ଦେଲାସ୍, ଏଟା ସବୁ କଲାକେ ସେ କରଇବା ପାପେ ତମର୍ କାଇ ବୁଲ୍ ନାଇ ।

^{୧୭} ଜନ୍ ଲକ୍ ପାପ୍ କରିଆଟେ, ତାର୍ ବଲ୍ ପାଇ କି ଜନ୍ ଲକ୍‌ର ବିରୁଦ୍ଧେ ପାପ୍ କରାଇଅଇଲା, ତାର୍ ବଲ୍ ପାଇ ମୁଇ ସେ ଚିଟି ଲେକିନାଇ । ମାତର୍ ଆମ୍‌କେ ତମେ ଏଡେକ୍ ଆଲାଦ୍ କଲାସ୍‌ନି, ସେଟା ତମେ ନିକସଙ୍ଗ୍ ଜାନ୍‌ବାକେ ମୁଇ ଲେକିରଇଲି । ପରମେସର୍ ଏଟା ଜାନ୍‌ଆଟେ । ^{୧୮} ସେଟାର୍‌ପାଇ ତମେ ଆମ୍‌କେ ବେସି ସାର୍‌ଦା କରାଇଲାସ୍ ।

ଅବ୍‌କା ଆମେସେ ସାର୍‌ଦା ଅଇଲୁ ସେଡ୍‌କି ନଏଁ, ମାତର୍ ତିତସ୍ ସାର୍‌ଦା ଅଇଲାଟା ଦେକିକରି ମିସା ଆମେ ସାର୍‌ଦା ଅଇଲୁ । ତମେ ସବୁ ତାକେ ସାର୍‌ଦା କରାଇଲାକେ ସେ ମିସା ସାର୍‌ଦା ଅଇରଇଲା । ^{୧୪} ତିତସ୍ ତମର୍‌ଟାନେ ନ ଆଇବା ଆଗ୍‌ତୁ, ମୁଇ ତମର୍ ବିସଇ ବଡ୍‌ପନ୍ ଅଇକରି ତାକେ କଇରଇଲି । ସେ ତମର୍‌ଟାନେ ଆଇଲାକେ ମୁଇ ବଡ୍‌ପନ୍ ଅଇକରି ସବୁ କଇଲାଟା ସଡ୍ ବଲି ଜାନ୍‌ଲା । ତମେ ମକେ ଲାଜ୍ କରାସ୍ ନାଇ । ମୁଇ ତମ୍‌କେ ଜାଇଟା ସବୁ କଇଲି ଆଟି, ସେଟା ସଡ୍ । ଆରି ତିତସ୍‌କେ ଜାଇଟା କଇରଇଲି ସେଟା ମିସା ସଡ୍ ବଲି ଜାନ୍‌ପଡ୍‌ଲାନ୍ତି । ^{୧୫} ତେବେ ତମେ ତାର୍ ସବୁ ଆଦେସ୍ ମାନ୍‌ଲାସ୍ ଆରି ତମେ ତାକେ ସାର୍‌ଦାଇ ରଇସି କି ନ ରଏ ବଲି ଡରିକରି ରଇଲାଟା ସେ ଏଡ୍ କଲା । ତମର୍ ପାଇ ରଇବା ତାର୍ ଆଲାଦ୍, ଅଦିକ୍ ଅଦିକ୍ ଅଇ ଆଇଲାନ୍ତି । ^{୧୬} ତମର୍‌ଟାନେ ମର୍ ପୁରାପୁରୁନ୍ ଆସା ଆଟେ ବଲିକରି ମୁଇ ବେସି ସାର୍‌ଦା ଅଇଲିନ୍ତି ।

୮

ବିସ୍‌ବାସିମନ୍ ଦାନ୍ ଦେବାଟା

^୧ ☆ଏ ମର୍ ବାଇବଇନିମନ୍, ମାସିଦନିଆର୍ ବିସ୍‌ବାସିମନ୍‌କେ ପରମେସର୍ ଜିବନ୍‌ଦୁକାଇ ରଇଲାଟ୍‌ପାଇ ତେଇ କାଇଟା ଗଟ୍‌ଲା, ସେଟା ତମେ ଜାନିରୁଆ ବଲି ମୁଇ ମନ୍ କଲୁନି । ^୨ ବେସି ବଡ୍ ଦୁକ୍ କସ୍‌ଟ ପାଇ, ମୁରଟି ରଇକରି, ତେଇ ସେମନ୍ ବେସି ସାର୍‌ଦା କଲାଇ । ତାକର୍ ସାର୍‌ଦା ଏଡେକ୍ ବଡିଜାଇରଇଲା ଜେ ସେମନ୍ ଅର୍କିଡ୍

ଅଇରଇଲେ ମିସା ତାକର୍ ବିସ୍‌ବାସି ବାଇମନର୍ ପାଇ ବେସି ବେସି ଦାନ କଲାଇ । ^୩ ସେମନ୍ ଜେଡକି ଦେବାର ରଇଲା, ତାର୍‌ତେଇଅନି ଅଦିକ୍ ଦେଲାଇ ବଲି ମୁଇ ସାକି ଦେଲିନି । ଦେବାର ମନ୍ ରଇଲାକେ ନିଜର୍ ମନ୍ କଲା ଇସାବେ ଦେଲାଇ । ^୪ ଜିଉଦା ଦେସେ ରଇବା ପର୍‌ମେସରର୍ ଲକ୍‌ମନକେ ସାଇଜ କର୍‌ବାକେ ସେମନ୍ ମିସା ମିସତ୍ ବଲି ଆମକେ ବାରୁଜିଆ କଲାଇ । ^୫ ତାକର୍‌ଟାନେଅନି ଆମେ ଜେଡକି ଆସା କରିରଇଲୁ, ତାର୍‌ତେଇଅନି ଅଦିକ୍ ଦେଲାଇ । କାଇକେବଇଲେ ପର୍‌ତମେ ସେମନ୍ ନିଜେ ନିଜେ ମାପୁରୁକେ ସର୍‌ପି ଅଇଲାଇ । ତାର୍‌ପତେ ପର୍‌ମେସରର୍ ମନ୍ କଲା ଇସାବେ ସେମନ୍ ଆମକେ ମିସା ସର୍‌ପି ଅଇଲାଇ । ^୬ ତେବର୍‌ପାଇ ତିତସ୍ ଜେ କି ତମର୍ ବିତ୍‌ରେ ଏ କାମ୍ ଜେନ୍ତି ଆରାମ୍ କରିରଇଲା, ସେନ୍ତାରି ଆକା ତମର୍ ଆଲାଦର୍ ଦାନ ସାରାଅ ବଲି ଆମେ ତାକେ ବାରୁଜିଆ କଲୁ । ^୭ ତମେ ବେସି ବିସଇଟାନେ ପୁରାପୁରୁନ୍ ଆଟାସ୍ । ସବୁ ବିସଇଟାନେ ସାଉକାର୍ ଅଇଆଟାସ୍ । ବିସ୍‌ବାସେ ଡାଟ୍‌ଆଟାସ୍, ବାକିଅ ସିକାଇବାକେ ଜାନିଆଟାସ୍, ବାକିଅତେଇ ତମର୍ ଗିଆନ୍ ଜବର୍ ଆଟେ, ସଙ୍ଗର୍ ବିସ୍‌ବାସିମନ୍‌କେ ସାଇଜ କର୍‌ବାଟା ଆରି ଆମର୍‌ପାଇ ରଇବା ତମର୍ ଆଲାଦ୍ ବେସି ବଡ୍ ଆଟେ । ସେନ୍ତାରିସେ ଦାନ ଦେବାଟାନେ ମିସା ଅଦିକ୍ ଅଦିକ୍ ଦିଆସ୍ ବଲି ଆମେ ମନ୍ କଲୁନି ।

୮ ଏଟା ତମ୍‌କେ ମୁଇ ତିଆରଲା ପାରା କଇନାଇ, ମାତର୍ ବିନ୍ ବିସ୍‌ବାସିମନ୍ ତାର୍ ବାଇମନକେ କେନ୍ତି ଅଦିକ୍ ମନ୍ କରି ସାଇଜ କଲାଇନି, ସେଟା ଜାନିରଇବାକେ କଇଲିନି । ସେମନ୍ କଲାପାରା ତମେ କରିପାରାସ୍ ଆରି ସେଟା ଦେକି ତମର୍ ଆଲାଦ୍ ସତ୍ କି ମିଟ୍ ବଲି ମୁଇ ଜାନିପାର୍‌ବି । ^୯ ଆମର୍ ମାପୁରୁ ଜିସୁକିରିସ୍‌ଟ ଜିବନ୍ ଦୁକାଇ ଅଇଲା ବିସଇ ତମେ ଜାନିଆଟାସ୍ । ସର୍‌ଗେ ସେ ବେସି ସାଉକାର୍ ଅଇରଇଲେ ମିସା ସେ ନିଜେ ଅର୍‌କିଡ୍ ଅଇଆଇଲା । ଜେନ୍ତି କି ତାର୍‌ଲାଗି ତମେ ସାଉକାର୍ ଅଇସା ।

^{୧୦} ସାଇଜ କର୍‌ବାକେ ତମେସେ ଆଗତ୍ ଅଇଲାସ୍ ଆରି ପରୁ ଅନି ଆରାମ୍ କରିଆଟାସ୍ । ଏବେ ମୁଇ ବାବ୍‌ଲିନି, ସେଟା ତମେ ସାରାଇଦେବାଟା ନିକ । ଉଜେ କାମ୍‌କର୍‌ବାଟାସେ ନାଇ, ମାତର୍ କାମ୍‌କର୍‌ବାକେ ମନ୍ କରି କର୍‌ବାକେ ତମେ ପର୍‌ତୁମ୍ ଆଟାସ୍ ।

୧୧ ତେବେ ତମେ ସେଟା କରା, ଆରି ଦେବାଟା ସାରାଇଦିଆସ । ତମେ ବେସି ସାରଦା ଅଇ ମୁଲିଆଇଲାସ । ସେନ୍ତାରିସେ ସାରଦା ଅଇ ସାରାଇବାରୁ ଆଚେ । ଗଟେକ୍ ଗଟେକ୍ ଲକ୍ ଜେଡ଼କି ଦେଇପାରାସ, ସେଡ଼କି ଦେଇ ସାରାଇଦିଆସ । ୧୨ କାଇକେ ବଇଲେ ଜଦି ତମ୍ଭକେ ଦାନ ଦେବାକେ ମନ୍‌ଆଚେ, ତମ୍ଭର ପାର୍‌ବା ଏତେକ୍ ଦେଲାସନି । ତମେ ଦେବାଟା ପର୍‌ମେସର୍ ସଙ୍ଗଇସି । କାଇକେବଇଲେ, ତମେ ନାପାର୍‌ବା ଏଡ଼କି ଦିଆ ବଲି ମାଙ୍ଗେ ନାଇ ।

୧୩ ତମ୍ଭର ବାଇମନ୍‌କେ ସାଇଜ କରକରି ତମ୍ଭଟା ଉନା ଅଇଜାଅ ବଲି ମୁଇ ମନ୍ କରନାଇ । ମାତର୍ ଏବେ ତମ୍ଭର ଟାନେ ଜବର୍ ଆଚେଜେ, ଜାକେ ଲତାଆଚେ, ତାକେ ସାଇଜ କର୍‌ବାଟା ଟିକ୍ ରଇସି । ୧୪ ଏନ୍ତାରିକଲେ, ତମ୍ଭକେ ଜେଡେବେଲେ ଲତା ପଡ଼ସି, ଆରି ସେମନ୍‌କେ ଜବର୍ ରଇଲେ, ସେମନ୍ ତମ୍ଭକେ ସାଇଜ କର୍‌ବାଇ । ଏନ୍ତାରି ଦୁଇ ବାଟର୍ ଲକ୍ ସମାନ୍ ଇସାବେ ପାଇବାଇ । ୧୫ ଜେକ୍ରିକି ସାସ୍‌ତରେ ଲେକା ଅଇଆଚେ, ଜେ ଅଦିକ୍ କାମାଇଲା, ତାର୍‌ଟା ଉବ୍‌ରେ ନାଇ, ଆରି ଜେ ଉନା କାମାଇଲା, ତାକେ ଉନା ଅଏନାଇ ।

ତିତସ୍‌କେ ମଇତର୍‌ମନ୍

୧୬ ଆମେ ପର୍‌ମେସର୍‌କେ ଦନିଅବାଦ୍ ଦେଲୁନି, ଜେକ୍ରି ତମ୍ଭକେ ସାଇଜ କର୍‌ବାକେ ମନ୍ କଲୁ, ସେନ୍ତାରିସେ ତିତସ୍‌କେ ମିସା ସାଇଜ କର୍‌ବାକେ ମନ୍ ଦେଲା । ୧୭ ଆମେ ଜେଡେବେଲେ ତିତସ୍‌କେ ତମ୍ଭଟାନେ ଜିବାକେ କଇଲୁ, ସେ ଦାପ୍‌ରେ ଜିବାକେ ରାଜି ଅଇଲା । ସେ ନିଜେ ମନ୍ କରି ତମ୍ଭଟାନେ ଜାଇ ତମ୍ଭକେ ସାଇଜ କର୍‌ବି ବଇଲା । ୧୮ ତାର୍ ସଙ୍ଗ୍ ଆରି ଗଟେକ୍ ବାଇକେ ମିସା ପାଟାଇଲୁନି । ଏ ଲକ୍ ଜିସୁକିରିସ୍‌ଟର୍ ସୁବ୍‌କବର୍ ଜାନାଇଲାନିଜେ ସବୁ ବିସ୍‌ବାସିମନ୍ ତାକେ ସନ୍‌ମାନ୍ ଦେଲାଇନି । ୧୯ କାଲି ସେଡ଼କିରେ ନଏଁ, ତମେ ଦେଇରଇବା ଆଲାଦର୍ ଦାନ ଆମେ ଲତା ରଇବା ବାଇମନ୍‌ର ଲଗେ ନେବାବେଲେ, ଆମର୍ ସଙ୍ଗ୍ ଜିବାକେ ସବୁ ବିସ୍‌ବାସିମନ୍ ତାକେ ବାଟିକରି ପାଟାଇଆଚଡ଼ । ଏଟା ପର୍‌ମେସର୍ ଡାକ୍‌ପୁଟା ପାଇବାକେ ଆରି ତମ୍ଭକେ ସାଇଜ କର୍‌ବାକେ ଆମେ ସାରଦା ଅଇକରି ଏନ୍ତାରି କଲୁନି ।

୨୦ ଆମର ଲାଗି ସେବା କାମର ପାଇ ତମେ ଆଲାଦ୍ ସଙ୍ଗ୍ ଦେଇ ଜମାଇରଇଲା ଏ ତାବୁ ଜନ୍ମଟାକି ଆମେ ଦାରିଗାଲୁନି, । ଏ ତାବୁ ବିସଇନେଇ ଆମକେ କେ ମିସା ନିନ୍ଦା ନ କରଡ଼ । ସେଟାରପାଇ ଆମେ ଜାଗରଡ଼ ଅଇଆତୁ । ୨୧ କାଇକେ ବଇଲେ ଆମେ କର୍ବା କାମ୍ ସବୁ ଟିକ୍ ରଇବାର୍ ଆଚେ । ଅବ୍‌କା ପର୍ମେସର୍ ଦେକ୍‌ବା ଇସାବେସେ ନାଇ ମାତର୍ ଲକ୍‌ମନ୍ ଦେକ୍‌ବା ଇସାବେ ମିସା ଅ ।

୨୨ ଆମେ ଆରି ଗଟେକ୍ ବାଇକେ ମିସା ତିତସର୍ ଦଲ୍ ସଙ୍ଗ୍ ପାଟାଇଲୁନି । ଏ ବାଇକେ ଆମେ ବେସି ତର୍ ପରିକା କଲୁଆତୁ । ଆରି ତାକେ ସାଇଜ କର୍ବାକେ ବେସି ମନ୍ ଆଚେ । ଏବେ ସେ ଅଦିକ୍ ମନ୍ କଲାନି । କାଇକେବଇଲେ ସେ ତମକେ ଅଦିକ୍ ଆସା କଲାନି । ୨୩ ଏବେ ତିତସର୍ ବିସଇ ଜାନ୍‌ବାର୍ ଆଲେ ସେ ତମକେ ସାଇଜ କର୍ବାକେ ମର୍ ସଙ୍ଗ୍ କାମ୍ କଲାନି । ଆରି ସେ ଦୁଇଟା ବିନ୍ ବାଇମନ୍ ଇତିର୍ ବିସ୍‌ବାସିମନ୍ କଇଲାକେସେ ତାର୍‌ସଙ୍ଗ୍ ଗାଲାନି । ସେମନ୍ କର୍ବା କାମର ଲାଗି କିରିସ୍‌ଟ ତାକ୍‌ପୁଟା ଅଇସି । ୨୪ ସେମନ୍ ତେଇ କେଟ୍‌ଲେ ସରି ତମେ ଆଲାଦ୍ କରି ସେମନ୍‌କେ ତାକିନିଆ । ଜେନ୍ତାରି କି ତମର୍ ଆଲାଦ୍ ସଡ଼ ବଲି ସବୁ ବିସ୍‌ବାସିମନ୍ ଜାନ୍‌ବାଇ ଆରି ତମର୍ ବିସଇନେଇ ଆମେ ବଡ଼ପନ୍ ଅଇ ସବୁ କଇବାଟା, ସଡ଼ ବଲି ଜାନ୍‌ବାଇ ।



ବିନ୍ ବିସ୍‌ବାସି ମନ୍‌କେ ସାଇଜ

୧ ଜିଉଦାଦେସେ ରଇବା ପର୍ମେସରର୍ ଲକ୍‌ମନ୍‌କେ ଦାନ୍ ଦେଇ ପାଟାଇତେରଇବା ତାବୁ ବିସଇ ତମକେ ଆରି ମୁଇ ନ ଲେକି । ୨ କାଇକେବଇଲେ ମୁଇ ଜାନି ଆଟି, ତମେ ସବୁବେଲେ ସାଇଜ କର୍ବାକେ ସାର୍‌ଦା ଅଇଲାସ୍‌ନି । ଆରି ମୁଇ ବଡ଼ପନ୍ ଅଇ ତମର୍ ବିସଇନେଇ ମାକିଦନିଆର୍ ଲକ୍‌ମନ୍‌କେ କଇ ଆଟି । ମୁଇ କଇଲି “ଆକାୟାର୍ ବାଇବଇନିମନ୍ ପରୁଅନି ସାଇଜ କର୍ବାକେ ଜାଗିଆଚଡ଼ ।” ସେମନ୍ ଏଟା ସୁନ୍‌ଲାବେଲେ ତାକର୍ ବିତ୍‌ରେ ଅନି ବେସି ଲକ୍ ଦେବାକେ ମନ୍ କଲାଇ । ୩ ଏବେ ମୁଇ ଏ ବାଇବଇନିମନ୍‌କେ ପାଟାଇଲିନି । ଜେନ୍ତାରି ତମର୍ ବିସଇନେଇ ମୁଇ ବଡ଼ପନ୍ ଅଇ କଇଲାଟା ଅବ୍‌କା କାତାଇ ନ ରଅ । ମାତର୍

ମୁଇ କଇଲାପାରା ତମେ ଦାନ ଦେବା ଡାବୁସଙ୍ଗ୍ ଜାଗରତ୍ ଅଇ ରୁଆ । ୪ ମାତର୍ ମାକିଦନିଆର୍ ଲକ୍ମନ୍ ଜଦି ମର ସଙ୍ଗ୍ ଆସି ତମେ ଜାଗରତ୍ ନ ଅଇଲାଟା ଦେକ୍ଲେ, ତାକର୍ ମୁଆଟେ ଆମେ ଲାଜ୍ ଅଇଜିବାର୍ ଅଇସି । ଆରି ତମେ ମିସା ଲାଜ୍ ଅଇଜାଇସା । କାଇକେବଇଲେ ଆମେ ତମ୍ବେ ବେସି ଆସାକରି ରଇଲୁ । ୫ ତେବେ ମୁଇ ବାବ୍ଲି, ଏ ବାଇବଇନିମନ୍, ମୁଇ ଜିବା ଆଗ୍ତୁ ସେମନ୍ ଜାଇକରି ଜନ୍ ଦାନ ତମେ ଦେବୁ ବଲି କଇତେରଇଲାସ୍, ସେଟା ଜମାଇକରି ସଙ୍ଗାକେ ସେମନ୍କେ ବାବୁଜିଆ କରବି । ଜଦି ଆମେ ସେନ୍ତାରି କରୁବୁ ବଇଲେ, ଦାନ ଦେବା ଡାବୁ ମୁଇ ଆଇଲା ବେଲେ, ଜାଗରତ୍ ଅଇରଇସି । ଆରି ସେଟା ତମେ ନିଜେ ମନ୍ କରି ଦେଲାସ୍ । ବାଦିଅ କଲାକେ ଦିଆସ୍ ନାଇ ବଲି ଜାନାପଡସି ।

୬ ତମର୍ ମନେ ର । ଜଦି ଗଟେକ୍ ଚାସି ଉନା ବିଅନ୍ ବୁନ୍ସି, ସେ ଉନା ପସଲ୍ ପାଇସି । ଆରି ଜନ୍ ଚାସି ବୁଡେକ୍ ବିଅନ୍ ବୁନ୍ସି, ସେ ବୁଡେକ୍ ପସଲ୍ ପାଇସି । ୭ ଦାନ ଦେବାକେ ତମେ ଜେନ୍ତି କାତାବାରତା ଅଇଆଟାସ୍, ସେନ୍ତାରି ଦେବାର୍ଆଟେ । ଦୁକ୍ ଅଇକରି ନାଇ କି କେ ବାଇଦ କଲାପାଇ ନାଇ । କାଇକେବଇଲେ ତମେ ସାରଦା ସଙ୍ଗ୍ ଦେଲେ ପର୍ମେସର୍ ସେଟା ମନ୍ କରସି । ୮ ଆରି ତମ୍ବେ ଜେଡକି ଲଡା ଆଟେ, ତାର୍ତେଇଅନି ଅଦିକ୍ ପର୍ମେସର୍ ଦେଇ ପାରସି । ଜେନ୍ତାରିକି ନିଜର୍ପାଇ ଜେଡକି ଦର୍କାର୍, ସେଡକି ତମର୍ଟାନେ ସବୁ ବେଲେ ରଇସି ଆରି ବିନ୍ ଲକ୍ମନ୍କେ ସାଇଜ କରବାକେ ମିସା ଜବର୍ ରଇସି । ୯ ସାସ୍ତର୍ କଇଲାପାରା

ଲଡାକେ ଆଇବା ଲକ୍ମନ୍କେ ସେ ଜବର୍ ଦେଇସି ଆରି
ତାର୍ ଜିବନ୍ ଦୁକାଇଲାଟା କେବେ ମିସା ନ ସାରେ ।

୧୦ ଆରି ପର୍ମେସର୍ ଜେ କି ବୁନ୍ବାକେ ବିଅନ୍ ଆରି କାଇବାକେ କାଦି ଦେଇସି, । ସେ ତମ୍ବେ ଜେଡକି ବିଅନ୍ ଦର୍କାର୍ ସେଡକି ଦେଇସି । ଆରି ସେଟା ବଡିକରି ବେସି ପସଲ୍ ଅଇସି । କାଇକେବଇଲେ ତମେ ଜବର୍ ଦେଲାସ୍ନି । ୧୧ ସେ ତମ୍ବେ ସାଉକାର୍ କରାଇସି । ଜେନ୍ତାରି କି ତମେ ସବୁବେଲେ ଜବର୍ ଦେଇପାରାସ୍ । କାଇକେବଇଲେ ଆମର୍ଟାନେଅନି ପାଇରଇବା, ତମେ ଦେଲା ଦାନର୍ପାଇ ବେସି ଲକ୍ ପର୍ମେସର୍କେ ଦନିଅବାଦ୍

ଦେବାଇ । ^{୧୨} ତମେ କରବା ଏ ନିକ କାମର ଲାଗି ପରମେସରର ଲକ୍ଷ୍ମୀଙ୍କୁ ଲକ୍ଷ୍ମୀଙ୍କୁ ଲକ୍ଷ୍ମୀଙ୍କୁ ଆଇବା ବିଷୟ ପୁରାପୁରୁଣୁ ଅଇଲାନି । ଆରି ପରମେସରଟାନେ ଦନିଅବାଦ୍ ଆଜାତି ଅଇଲାପାରା ମିସା ଅଇଲାନି । ^{୧୩} ତମେ କରବା ଏ ନିକ କାମ୍ ଦେକିକରି ଲକ୍ଷ୍ମୀଙ୍କୁ ପରମେସରଙ୍କେ ମଇମା କରବାଇ । କାଇକେବଇଲେ ବିସ୍ତ୍ରାସ୍ କରଇବା କିରିସ୍ତର ସୁବକବର ତମେ ମାନିଲାନି । ଆରି ସେମନ୍‌ଙ୍କେ ଆରି ବିନ୍‌ଲକ୍ଷ୍ମୀଙ୍କେ ମିସା ଜବର ଦେଲାନି । ^{୧୪} ପରମେସର ଜିବନ୍ ଦୁକାଇ ତମ୍‌ଙ୍କେ ଦୟା ଦେକାଇଲାରପାଇ ସେମନ୍ ବେସି ଆଲାଦ୍ ଅଇକରି ତମ୍‌ରପାଇ ପାର୍ତନା କରବାଇ । ^{୧୫} ପରମେସର ବେସି ମୁଲିଅ ରଇବା ଦାନରପାଇ ଆମେ ତାଙ୍କେ ଦନିଅବାଦ୍ ଦେଉଁ ।

୧୦

ପନି କାତା ବିରୁଦେ ପାଉଲ୍ ଉତ୍ତର ଦେବାଟା

^୧ ମୁଇ ପାଉଲ୍ ତମ୍‌ଙ୍କେ ବାବୁଜିଆ କଲିନି, ମୁଇ ତମ୍‌ର ସଙ୍ଘ ରଇଲାବେଲେ, ତମ୍‌ଙ୍କେ ଲାଗିବାକେ ତରୁସି ବଲି କେତେଲକ୍ କଇଲାଇନି । ମାତର ଲେକ୍‌ବାକେ ସାଆସ୍ ଅଇକରି ବାଦ୍‌ଲାପାରା ଲେକ୍‌ଲାନି ବଲି କଇଲାଇନି । ଆମେ କିରିସ୍ତର ସଙ୍ଘ ଗାଲୁନି, ଜେ କି ବେସି ସୁଆଲ୍ ଆରି ଦରମ୍ । ସେଟା ନେଇକରି ବାବୁଜିଆ କଲିନି । ^୨ ମୁଇ ତେନେ ଆଇଲାବେଲେ ତମ୍‌ର ଚଲାଚଲ୍‌ତି ନିକ ଅଇରଅ । ଜେନ୍ତାରି କି ମୁଇ ତମ୍‌ଙ୍କେ ଲାଗିବାକେ ନ ପଡେ । ମାତର ଜନ୍ ଲକ୍ଷ୍ମୀଙ୍କୁ ଏ ଜଗତର ଲକ୍ଷ୍ ପାରା ନିଜର ମନ୍ କଲା ଇସାବେ ଗାଲାଇନି ବଲି ଆମର ବିଷୟନେଇ କଇଲାଇନି, ସେମନ୍‌ଙ୍କେ ଲାଗିବାକେ ମୁଇ ନ ତରି । ^୩ ଆମେ ଏ ଜଗତେ ବୁଦ୍ଧିନି ଏଟା ସତ୍, ମାତର ଲକ୍ଷ୍ମୀଙ୍କୁ ଗିଆନ୍ ସଙ୍ଘ ଜୁଜିକରି ରଉନାଇ । ^୪ ଜନ୍ ଆଡ୍ ଆତିଆର ସଙ୍ଘ ଆମେ ଜୁଜିଲୁନି, ସେଟା ଲକ୍ଷ୍ମୀଙ୍କୁ ଟାନେଅନି ଆସେନାଇ, ମାତର ସେଟା ବେସି ବପୁର ସଙ୍ଘ ରଇବା ପରମେସରର ଟାନେଅନି ଆଇସି । ଏ ବପୁ ସଙ୍ଘ ପରମେସରର ବିରୁଦେ ତାର ସତ୍‌ରୁମନ୍ ଉଟାଇରଇବା ଡାଗର କଡି ଜାକ ଆରି ଲକ୍ଷ୍ମୀଙ୍କୁ ମନ୍ ବିତ୍‌ରେ ଦଦାପେଲା ଅଇବା ଚିନ୍ତା ସବୁ ଆମେ ଆରାଇପାରୁ

। ^୫ ବଡ଼ପନ୍ ଅଇବା ଲକ୍ମନ ପର୍ଯ୍ୟନ୍ତର ବିରୁଦ୍ଧେ ନିଜ୍ଜକେ ଉଚ୍ଚାଈବାଟା ଆରି ଜେଡ଼କି ସବୁ ଚିନ୍ତା ପର୍ଯ୍ୟନ୍ତର ଗିଆନ୍ ଉପରେ ଉତ୍ସା, ସେଟା ସବୁ ଜାକ ଆମେ ବାନ୍ଧିକରି କିରିସ୍ତକେ ମାନଡ଼ ବଲି ସର୍ପାଇବୁ । ^୬ ତମେ କିରିସ୍ତର ଆଦେସ୍ ସବୁ ମାନଲ୍ଲାଟା ଦେକାଇଲା ପଟେ, ତେଇ ରଇବା ଜେଡ଼କି ସବୁ ବିସ୍ବାସିମନ୍, ଜନ୍‌ଲକ୍ମନ କି ତାର ଆଦେସ୍ ମାନବାକେ ମନ୍ କରଡ଼ ନାଇ, ସେମନ୍‌କେ ଡ଼ଣ୍ଡ ଦେବାକେ ଆମେ ଜାଗରଡ଼ ଅଇକରି ରଇବୁ ।

^୭ ତମେ ଲକ୍ମନର ବାଇରର ବିସଇ ଦେକ୍‌ଲାସ୍‌ନି । କାଇକେବଇଲେ ତମର ବିଡ଼ରେ କେତେଲକ୍ ବୁଲ୍ ଚିନ୍ତାକରି ଆମେସେ କିରିସ୍ତର ସଡ଼ ସେବାକରୁମନ୍ ବଲି ବାବ୍‌ଲାଇନି । ସେମନ୍ ଆରିତରେକ୍ ନିଜର ବିସଇ ଚିନ୍ତାକରି ଦେକ୍‌ବାରୁ ଆଟେ । କାଇକେବଇଲେ ସେମନ୍ ଜେନ୍ତାରି ଆଟଡ଼ ଆମେ ମିସା ସେନ୍ତାରି କିରିସ୍ତର ସଡ଼ ଦାସ୍ । ^୮ ତମର ଉପରେ ଆମର ଅଦିକାରୁ ଆଟେ । ସେଟା ପର୍ଯ୍ୟନ୍ତର ଆମ୍‌କେ ଦେଇରଇଲା । ମାତର ସେ ଅଦିକାରୁ ବିସଇନେଇ ଜଦି ମୁଇ ବେସି ବଡ଼ପନ୍ ଅଇଲିଆଟି, ସେଟାରୁପାଇ ମକେ ଲାଜ୍ ନ ଲାଗେ । ତମ୍‌କେ ନସ୍ତ କରବା ଅଦିକାରୁ ସେ ମକେ ଦେଏନାଇ, ମାତର ଜେନ୍ତା କି ତମର ବିସ୍ବାସ୍ ଡ଼ାଟ୍ କରାଇବି । ^୯ ଏ ଚିଟି ଲେକିକରି ମୁଇ ତମ୍‌କେ ଡ଼ରାଇବାକେ ମନ୍ କରିନାଇ । ^{୧୦} ମାତର ତମ୍‌କେ ଲେକ୍‌ଲାବେଲେ ଦମ୍‌କାଇ କରି ଲେକ୍‌ଲିନି ବଲି କେତେଲକ୍ କଇଲାଇନି । ମାତର ତମର ସଙ୍ଗ୍ ରଇଲାବେଲେ ମୁଇ ଦୁର୍‌ବଲ୍ ଅଇକରି ମର କଇଲା ପଦ୍ କାଇ ମୁଲିଅ ନାଇ ପାରା ରଇଲା । ^{୧୧} ଜନ୍ ଲକ୍ମନ ଏନ୍ତାରି କାତା ଅଇବାଇ, ଚିଟିଟାନେ ଆମେ ଜନ୍ ବିସଇ ଲେକିଆରୁ, ତେଇ ଆଇଲେ, ସମାନ୍ ବିସଇସେ କରୁବୁ ବଲି ସେମନ୍ ଜାନ୍‌ବାରୁ ଆଟେ ।

^{୧୨} ଜନ୍‌ଲକ୍ମନ ଆମେ ନିଜେ ବଡ଼ଲକ୍ ବଲି ବାବିଅଇଲାଇନି, ସେମନ୍‌ର ସଙ୍ଗ୍ ସମାନ୍ ଅଇବାକେ ଆମେ ମନ୍ କରୁନାଇ । ସେମନ୍ ସବୁରଟାନେ ଅନି ଆମେ ଆକା ଜାନିଆରୁ ବଲି ବୁଲ୍ ଚିନ୍ତା କଲାଇନି । ସେମନ୍ ସତଇସେ ବକ୍ତୁଆ । ନିଜ୍ଜକେ ନାପ୍‌ବାକେ, ନାପି ଅଇବାଟା ନିଜେ ତିଆର୍ କଲାଇନି । ନିଜ୍ଜକେ ବିଚାରୁ କରବାକେ ପରିକା ନିଜେ ତିଆର୍ କଲାଇନି । ^{୧୩} ମାତର ଆମେ, ଆମର କାମ୍ ବିସଇନେଇ

ଅଦିକ୍ ବଡ଼ପନ୍ ଅଭନାଇ । ଆମେ ଜେଡ଼କି ବଡ଼ପନ୍ ଅଇବାରୁ ଆଚେ ସେଡ଼କି ବଡ଼ପନ୍ ଅଇରୁ । ପରମେସର୍ ଆମ୍ଭକେ ଜେଡ଼କି କାମ୍ ଦେଲାଆଚେ, ସେଡ଼କି କାମେ, ଆମେ ବଡ଼ପନ୍ ଅଇରୁ । ଆରି ତମର୍ ବିଡ଼ରେ ଆମେ କର୍ବା କାମ୍ ମିସା ତେଇ ମିସିଲା ଆଚେ ।^{୧୪} ପରମେସର୍ ଆମ୍ଭକେ ଦେଇରଇବା କାମେ ତମେ ମିସିଲାରପାଇ କିରିସଟର୍ ସୁବ୍‌କବର୍ ନେଇକରି ଆଇଲାବେଲେ, ପରମେସର୍ ଆମ୍ଭକେ ଦେଲା କାମେଅନି ବାଇରେ ଜାଏ ନାଇ ।^{୧୫} ତେବର୍ପାଇ ବିନ୍ ଲକର୍ କାମ୍ କଲାଟା ନେଇକରି ଆମେ ନିଜେ ଡାକ୍‌ପୁଟା ଅଭନାଇ । ସେ କାମ୍ କର୍ବାକେ ପରମେସର୍ ଆମ୍ଭକେ ଦେଏ ନାଇ । ମାତର୍ ତମର୍ ବିସ୍‌ବାସ୍ ତାଟ୍ ଅ ବଲି ଆମେ ମନ୍ କଲୁନି । ଜେଡ଼କି ତମର୍ ଜାଗାଇ ଆମେ କର୍ବା କାମ୍ ଅଦିକ୍ ଅଦିକ୍ ଅଇସି । କାଇକେବଇଲେ ପରମେସର୍ ଆମ୍ଭକେ ଦେଇରଇବା କାମେଅନି ଅଦିକ୍ କର୍ବାକେ ଆମେ ମନ୍ କରୁନାଇ ।^{୧୬} ସେନ୍ତାରୁଆଲେ ଆମେ ଜାଇକରି କିରିସଟର୍ ସୁବ୍‌କବର୍ ତମର୍ ଜାଗାଇ ଅନି ତେନ୍‌କର୍ ଜାଗା ମନ୍‌କେ ଜାନାଇରୁ । କାଇକେବଇଲେ ଆମ୍ଭକେ ଦେଇରଇବା କାମେସେ ଆମେ ବଡ଼ପନ୍ ଅଇରୁ ବଲି ମନ୍ କଲୁନି । ବିନ୍ ଲକ୍ କିରିରଇବା କାମ୍‌ଟାନେ ବଡ଼ପନ୍ ନ ଅଉଁ ।

^{୧୭} ସାସ୍‌ତର୍ କଇଲାପାରା “ଜେ ବଡ଼ପନ୍ ଅଇବାକେ ମନ୍ କଲାନି, ସେ ମାପୁରୁ କଲା କାମେସେ ବଡ଼ପନ୍ ଅଇବାରୁ ଆଚେ ।”^{୧୮} କାଇକେ ବଇଲେ ଗଟେକ୍ ଲକ୍ ନିଜେ ବଲ୍ ବଲାଅଇଲେ, ମାପୁରୁ ତାକେ ଅଦିକାର୍ ନ ଦେଏ । ମାତର୍ ମାପୁରୁ ଦେକ୍‌ବା ଇସାବେ ଜେ ନିକ, ସେ ତାର୍ ନିଜର୍ ଲକ୍ ଅଇସି ।

୧୧

ପାଉଲ୍ ଆରି ନାତାଇବା ସିସ୍‌ମନ୍

^୧ ଜଦି ମୁଇ ବକୁଆ ଲକର୍‌ପାରା କାତା କଇଲେ ମିସା ତମେ ସେଟା ସୁନି ଚିମ୍‌ରା ଅଇରୁଆ ।^୨ ମାପୁରୁ ତମର୍ ବିସଇନେଇ ମର୍ ଲକ୍‌ମନ୍ ମକେସେ ନାମିକରି ରଅଡ୍ ବଲି ଦାରିଆଚେ । ସେକ୍ତିସେ ମୁଇ ମିସା ତମ୍‌କେ ପରମେସର୍‌କେସେ ମନ୍ କରା ବଲି ଆସା କଲିନି । ସୁକଲ୍ ଅଇରଇବା ଗଟେକ୍ ଦାଙ୍ଗ୍‌ଡିପାରା ମୁଇ ତମ୍‌କେ ଗଟେକ୍ ଦାଙ୍ଗ୍‌ଡାର୍ ପାଇ ମାଙ୍ଗ୍‌ନି କଲିଆଟି । ସେ ଅଇଲାନି ନିଜେ କିରିସଟ୍

। ୩ ମୁଇ ତମରୁ ବିସଇନେଇ ବାବି ବାବି ଆତି । କେତେବେଲେ ତମରୁ ମନରୁ ଚିନ୍ତା କିରିସ୍ତତେଇ ଅନି ବିନ୍ ବାଟେ ଜାଇସି ଆରି ତାରପାଇ ରଇବା ତମରୁ ଆଲାଦ୍ ପୁରାପୁରୁନ୍ ମନ୍ ସଙ୍ଗ୍ ନ ରଏ । ଅବା ପାରା ତମେ ନାଡ଼ାଇଅଇସା ମିସା । ଜେକ୍ରିକି ସେ ଗଟେକ୍ ଚତୁରୁ ସାଁପରୁ କାତା ଦାରି ନାଡ଼ାଇଅଇଲା । ୪ କାଇକେବଇଲେ, ଜଦି କେ ମିସା ତମରୁ ଲଗେ ଆସି କରି ଆମେ ତମ୍‌କେ ଜାନାଇରଇବା ଜିସୁରୁ ବିସଇକେ ଚାଡ଼ି, ବିନ୍ ସିକିଆ ଦେଲେ ତମେ ସାରଦା ଅଇସା । ସୁକଲ୍ ଆଡ଼ମାକେ ନ ପାଇକରି ବିନ୍ ଆଡ଼ମାକେ ପାଇଲାସ୍‌ନି । ଆରି ସେମନ୍ ଜନ୍ ସୁବ୍‌କବରୁ ଜାନାଇଲାଇନି, ସେଟା ଆମେ ଜାନାଇବା ସୁବ୍‌କବରୁ ନଏ ।

୫ ତମରୁ ଟାନେ ଜେଡ଼କି ସିକାଉମନ୍ ଆଚଡ଼ । ଜଦି ସେମନ୍ ଆମେ ସବୁରଟାନେଅନି ମୁକିଅ ପେରିଡ଼ମନ୍ ବଲି ନିଜେ କଇଅଇଲେ ମିସା, ସେମନ୍ ମରୁଟାନେଅନି ବଡ଼ ବଲି ମୁଇ ବାବି ନାଇ । ୬ ମୁଇ ଅଦିକ୍ କାତା କଇ ନାପାରଲେ ମିସା, ସଡ଼ ସିକିଆ ଜାନିଆତି । ଆରି ମୁଇ ତମ୍‌କେ ଜେତେବେଲେ ଜାକ ଏ ସିକିଆ ଦେଇଡେରଇଲି, ଏଟା ତମ୍‌କେ ଜାନାଇଆତି ।

୭ ତମ୍‌କେ ମୁଇ ଜେତେବେଲେ ସୁବ୍‌କବରୁ ଜାନାଇରଇଲି, କେବେ ମିସା ମରୁ ବୁଡ଼ି ମାଜି ନାଇ । ତମ୍‌କେ ମୁକିଅ ଲକ୍ କରାଇବାକେ ମୁଇ ନିଜେ ତଲ୍‌କେ ଅଇଲି । ମୁଇ କିରିରଇଲାଟା ବୁଲ୍ ରଇଲା କି ? ୮ ମୁଇ ତମରୁ ବିଡ଼ରେ ସେବା କାମ୍ କଲାବେଲେ, ବିନ୍ ମଣ୍ଡଲିରୁ ଲକ୍‌ମନ୍ ମରୁପାଇ କରତ ଅଇଲାଟା ଦେଲାଇ । ତମ୍‌କେ ସାଇଜ କରବାକେ ତାରଟାନେଅନି ମୁଇ ଚରାଇକରି କଲାପାରା ଅଇଲା । ୯ ମୁଇ ତମରୁଟାନେ ରଇଲାବେଲେ ମକେ ଲଡ଼ା ରଇଲାବେଲେ, ତମରୁଟାନେଅନି ମାଜିନାଇ । କାଇକେବଇଲେ ମାକିଦନିଆର୍ ବାଇବଇନିମନ୍ ମକେ ଜାଇଟା ଲଡ଼ା ରଇଲା, ସେଟା ସବୁ ଆନିଦେଲାଇ । ପୁରବେ ଜେକ୍ରି ରଇଲା, ପଡ଼କେ ମିସା ମୁଇ ତମରୁଟାନେଅନି କାଇଟା ନ ମାଜି । ୧୦ ମୁଇ ବଡ଼ପନ୍ ଅଇକରି ଏନ୍ତାରି କଇବାଟା ଆକାୟାରୁ କେ ମିସା ମରୁ ବିରୁଦେ କଇନାପାରଡ଼ । ମୁଇ କଇବାଟା ସଡ଼ । କାଇକେବଇଲେ

କିରିସ୍ତ ମରସଙ୍ଗ ଆଚେ । ^{୧୧} ମକେ ଆଲାଦ୍ ନାଇକେ ମାଙ୍ଗେ ନାଇ ବଲି ବାବ୍‌ଲାସ୍‌ନି କି ? ମାତର୍ ମୁଇ ତମ୍‌କେ ସତଇସେ ଆଲାଦ୍ କର୍‌ବାଟା ପର୍‌ମେସର୍ ଜାନେ ।

^{୧୨} ମୁଇ ତମ୍‌ଗଟାନେ ଅନି କାଇକେ ବୁଡି ନେଇନାଇ ବଇଲେ, ଜେନ୍ତାରିକି ତମ୍‌ର୍ ଟାନେ ରଇବା ବିନ୍ ପେରିଡ୍‌ମନ୍ ବଡ୍‌ପନ୍ ଅଇକରି, ଆମେ ପର୍‌ମେସର୍ ପାଇ କର୍‌ବା କାମ୍ ସମାନ୍ ଆଚେ ବଲି କଇନାପାରଡ୍ । ^{୧୩} ସେମନ୍ ସଡ୍ ପେରିଡ୍‌ମନ୍ ନଅଡ୍ । ସେମନ୍ ମିରୁଆଟାମନ୍ । ଜେ କି ନିଜର୍ ନିଜର୍ କାମ୍ ବିସଇନେଇ ମିର୍ କଇବାଇ । ଆରି ସେମନ୍ ମିର୍ ବେସ୍ ଦାରିକରି ଆମେ ସଡ୍ ପେରିଡ୍ ବଲି ଦେକାଇଅଇବାଇ । ^{୧୪} ଏଟା ଦେକି କାବାଅଇ ଜାଆ ନାଇ । କାଇକେବଇଲେ, ସଇତାନ୍ ମିସା ନିଜେ ବାଦ୍‌ଲାଅଇ ଉଜଲର୍ ଦୁଡ୍ ପାରା ଦେକାଇ ଅଇସି । ^{୧୫} ସେନ୍ତାର୍ ଆଲେ ତାର୍ ସେବାକାମ୍ କରୁମନ୍ ମିସା ବାଦ୍‌ଲାଅଇ ଦରମ୍ କାମ୍‌କରୁମନ୍‌ର୍ ପାରା ଦେକାଇଅଇଲେ, ସେଟା କାବା ଅଇଜିବା ବିସଇ ନଏ । ସାରାସାରି ସେମନ୍‌କେ ତାକର୍ କରିରଇବା କାରାପ୍ କାମ୍ ଇସାବେ ଉଣ୍ ମିଲ୍‌ସି ।

ପେରିଡ୍ ସିସ୍ ଇସାବେ ପାଉଲର୍ ଦୁକ୍

^{୧୬} ମୁଇ ଏ କାତା ଆରିତରେକ୍ କଇଲିନି ଜେ, ଏଟା ଗଟେକ୍ ବକୁଆଟା, ବଲି ବାବାନାଇ । ଜଦି ତମେ ମକେ ବକୁଆ ବଲି ମାନ୍‌ଲାସ୍‌ନି, ମୁଇ କଇବା ଏ ବଡ୍‌ପନ୍‌ର୍ କାତା ଆରି ଅଲପ୍ ସୁନାତା । ସେନ୍ତାର୍ କଲେ ମୁଇ ବଡ୍‌ପନ୍ ଅଇ କାତା ଅଇବି । ^{୧୭} ମୁଇ ଏ କଇବା କାତାମନ୍ ମାପ୍‌ରୁ ମକେ କଅ ବଲି ମନ୍ କରେନାଇ । ମାତର୍ ଏ କାତା ଗଟେକ୍ ବକୁଆ ଲକର୍‌ପାରା ବଡ୍‌ପନ୍ ଅଇକରି କଇଲିନି । ^{୧୮} କାଇକେବଇଲେ, ଏ ଜଗତେ ତାକର୍ ନିଜର୍ କାମ୍ ବିସଇନେଇ ବଡ୍‌ପନ୍ ଅଇ କଇବାଲକ୍ ବେସି ଆଚଡ୍ । ମୁଇ ମିସା ମର୍ ବିସଇନେଇ ବଡ୍‌ପନ୍ ଅଇକରି କଇବି । ^{୧୯} ତମେ ସବୁ ବୁଦି ରଇବା ଲକ୍ ବଲି ବଲାଅ ଅଇଲାସ୍‌ନି । ମାତର୍ ବକୁଆ ମନ୍‌ର୍ କାମ୍ ଦେକ୍‌ଲେ ରୁପ୍ ଅଇଆଟାସ୍ । ^{୨୦} ତେବର୍‌ପାଇ ସେମନ୍ ଜଦି ତମ୍‌କେ ଗତିଦାଙ୍ଗ୍‌ଡା କରି ସଙ୍ଗଇଲେ, କି ତମର୍ ଦନ୍ ସପ୍‌ତି ନେଲେ, କି ତମ୍‌କେ କାଇଆଲେ ପାନ୍‌ଏ ପାକାଇଲେ, କି ଆମର୍ ତଲେ ରୁଆ ବଲି

କରି କଲଲେ କି ଏନ୍ତାରି କି କେ ତମର ଗାଲେ ଚାପଡ଼ ମାରଲେ ମିସା
ତମେ ମୁରୁତି କରି ରଇସା । ^{୨୧} ସେ ସବୁ କାରାପ୍ ବିସଇ କରବାକେ
ଆମକେ ସାଆସ୍ ନ ରଇଲା । ଏଟା ସତ୍ ବଲି କଇବାକେ ମୁଇ ଲାଜ୍
ଅଇନାଇ ।

ମାତର ସେମନ୍ କାଇ ବିସଇନେଇ ବଡ଼ପନ୍ ଅଇ କାତା
ଅଇବାକେ ସାଆସ୍ କରବାଇ, ସେନ୍ତି ମୁଇ ମିସା ସାଆସ୍ କରବି
। ଦେକା ! ମୁଇ ଏଟା ଗଟେକ୍ ବକୁଆ ଲକରପାରା କାତା ଅଇଲିନି
। ^{୨୨} ସେମନ୍ ଜଦି ଆମେ ଏବରି ବସ୍ତର ଲକ୍ ବଇଲେ, ମୁଇ ମିସା
ତେଇରଟାସେ, ଜଦି ଆମେ ଇସରାଏଲର ନାତିତିତି ବଇଲେ, ମୁଇ
ମିସା ତେଇର ଗଟେକ୍ । ଅବରାଆମ୍ ଆମର ଆନିଦାଦି ବଇଲେ,
ସେ ମର ମିସା ଆନିଦାଦି । ^{୨୩} ✱ସେମନ୍ ଜଦି ଆମେ କିରିସଟର
ଦାଙ୍ଗ୍ତା ବଇଲେ, ମୁଇ ମିସା ଗଟେକ୍ ଦାଙ୍ଗ୍ତା । ମାତର ସେମନ୍
ଟାନେ ଅନି ମୁଇ ଅଦିକ୍ ନିକ ଦାଙ୍ଗ୍ତା । ନିଜକେ ବଡ଼ କରାଇ
ମୁଇ ଗଟେକ୍ ବାୟାଲକର ପାରା କାତା ଅଇଲିନି ବଲି ଜାନିଆତି
। ମୁଇ ତାକରଟାନେ ଅନି ଅଦିକ୍ ଆବଡ଼ କାମ୍ କରିଆତି, ଅଦିକ୍
ତର ବନ୍ଦିଗରେ ରଇଆତି, ଅଦିକ୍ ତର ମାଡ଼ କାଇଆତି, ଅଦିକ୍ ତର
ମଲାସମାନ୍ ଅଇଜାଇରଇଲି । ^{୨୪} ମୁଇ ଜିଉଦି ଲକ୍ମାନରଟାନେଅନି
ପାଁଟପାଲି ତିରିସ୍ ନ ଡାଙ୍ଗ୍ ମାଡ଼କାଇ ଆତି । ^{୨୫} ✱ରମିଅମନରଟାନେ
ତିନତର କରତା ସଙ୍ଗ୍ ମାଡ଼କାଇ ଆତି । ଗଟେକ୍ତର ସେମନ୍ ମକେ
ପାକ୍ନା ମାରଲାଇ । ମୁଇ ଜନ୍ ଜାଜେ ଜାଇତେରଇଲି, ସେ ଜାଜ୍
ତିନତର ବୁଡ଼ି ଜାଇରଇଲା । ତରେକ୍ ମର ଜାଜ୍ ନସିଗାଲାକେ
ମୁଇ ଗଟେକ୍ ଦିନ୍ ଆରି ଗଟେକ୍ ରାତି, ସମ୍ବୁରେ ଉପ୍କି ଅଇ
ରଇଲି । ^{୨୬} ✱ମୁଇ ଜିବାବେଲେ ବାଟେ, ମର ମୁଆଟେ କେତେକ୍
କେତେକ୍ ବିପଦ୍ ଆଇଲା । ଜେଡ଼ିକି, ବନିଆର ବିପଦେ, ଚରମନର
ବିପଦେ, ମର ଜିଉଦି ବାଇମନର ବିପଦେ, ଜିଉଦି ନ ଅଇଲା
ଲକ୍ମାନର ବିପଦେ, ସଅରେ ଅଇରଇବା ବିପଦେ, କିନରା ଜାଗା
ମନର ବିପଦେ, ଡଙ୍ଗରର ଜୁଡ଼ ଜିଆଦ୍ ମନର ବିପଦେ, ସମ୍ବୁରେ
ବନିଆ ଆଇଲାବେଲର ବିପଦେ ଆରି କିରିସଟର ବିସ୍ବାସିମନ୍ ବଲି

✱ ୧୧:୨୩ ୧୧:୨୩ ପେରିଡ଼ ୧୭:୨୩ ✱ ୧୧:୨୫ ୧୧:୨୫ ପେରିଡ଼ ୧୭:୨୨; ପେରିଡ଼
୧୪:୧୯ ✱ ୧୧:୨୬ ୧୧:୨୬ ପେରିଡ଼ ୯:୨୩; ପେରିଡ଼ ୧୪:୫

ନାତାଉ ଅଇରଇବା ଲକ୍ମନର ବିପଦେ । ୨୭ ମର କାମ୍ ଆବଡ଼
 କାମ୍ ଆରି ମୁଇ ସବୁବେଳେ ଆବଡ଼ କାମ୍ କଲିଆତି । ବେସି ତର
 ରାତିଆ ସଇ ନାପାରଲି, ବୁକେ ସସେ ରଇଆତି, ବେସି ତର ମକେ
 କାଦି କେଟେ ନାଇ, ପିନ୍ଦବାକେ ବସ୍ତର ନାଇ, କି ରଇବାକେ ଗର
 ନ ରଇଲା । ୨୮ ସେ ସବୁ ବିସଇ ମରପାଇ ଅଇରଇଲା । ମାତର
 ଆରି ମର ବିନ୍ ବିନ୍ ଦୁକ୍ କସ୍ତ ଆଟେ । ସବୁ ମଣ୍ଡଲିର ପାଇ ଚିନ୍ତା
 କରି ମୁଇ ଦୁକ୍ କସ୍ତ ପାଇଲିନି । ୨୯ ଜଦି କିରିସ୍ତର ଲଗେ ରଇବା
 କାର ବିସ୍ବାସ୍ ଉନା ଅଇସି ବଇଲେ ମକେ ମିସା ଦୁରବଲ୍ ଲାଗସି ।
 କେ ଜଦି ପାପ୍ କଲେ, ତାର ଲାଗି ମୁଇ ବେସି ଦୁକ୍ କସ୍ତ ପାଇଲିନି
 ।

୩୦ ମୁଇ ବଡ଼ପନ୍ ଅଇ କାତା ଅଇବାକେ ମନ୍ କରିନାଇ । ଜଦି
 ସେନ୍ତି କରବାର୍ ଆଲେ, ମକେ ଗଟିରଇବା, ଦୁକ୍ କସ୍ତ ବିସଇନେଇ
 ମୁଇ ବଡ଼ପନ୍ ଅଇବି । ସେନ୍ତାର୍ଆଲେ ମୁଇ କେତେ ଦୁରବଲ୍
 ଆତି ବଲି ତମେ ଜାନସା । ୩୧ ମୁଇ ତମକେ ଜେଡ଼କି ବିସଇ
 କଇଲି, ସେଟା ସବୁ ସଡ଼ । ଗଟେକ୍ ମିସା ମିର୍ ନର୍ । ଆମର୍
 ମାପରୁ ଜିସୁର ବାବା ପରମେସର୍ ଏଟା ଜାନେ । ସେ ଜୁଗ୍ ଜୁଗ୍
 ଡାକ୍ପୁଟା ପାଅ । ୩୨ ଧୁରବେ ମୁଇ ଦାମାସକାସେ ରଇଲା ବେଲେ
 ରାଜା ଆରେତାସରର୍ ତଲେ ଗଟେକ୍ ସାସନ୍ କାରିଆ ରଇଲା
 । ସେ ସଅର୍ ସନ୍ଦି ଜାଗବାକେ ତାର ସନିଅମନକେ କଇଲା ।
 ଜେନ୍ତାରି କି ଜେଡେବେଲେ ମୁଇ ସେ ସଅରେ ବାରଇତି, ସେମନ୍
 ମକେ ଦାରତାଇ । ୩୩ କେନ୍ତି ବଇଲେ ତେଇର୍ ପାକ୍ନା ପାଟୁରିର୍
 କାଶାବାଟେ ମକେ ଚାଟ୍ନାଇ ପୁରାଇ ଉଡ଼ରାଇ ଦେଲାଇ । ଆରି
 ତାର ଟାନେ ଅନି ବଠିଗାଲି ।

୧୨

ପାଉଲ୍ ଦର୍ସନ୍ ଦେକ୍ଲାଟା

୧ ସେନ୍ତାର୍ଆଲେ ମୁଇ ବଡ଼ପନ୍ ଅଇ କଇଲା ଟାନେ କାଇ ଲାବ୍
 ନଇଲେ ମିସା ମୁଇ ବଡ଼ପନ୍ ଅଇ କାତା ଅଇବି । ଏବେ ମୁଇ ଦର୍ସନ୍
 ବିସଇ ଆରି ମାପରୁ ମକେ ଜାନାଇଲା ବିସଇ ତମକେ କଇବି ।
 ୨ ମୁଇ ଜାନିରଇବା ଗଟେକ୍ ବିସ୍ବାସି ଆଟେ । ଜାକେ କି ଚଉଦ

ବରସର୍ ଆଗେ ସର୍ଗେ ନେଲାଇ । ସେ ସତ୍ତ୍ୱରେ ସର୍ଗେ ଗାଲା କି ତାକେ ଦର୍ସନେ ସେ ସରଗ୍ ଦେକାଇଅଇଲା କି ନାଇ ବଲି ମୁଇ ନାଜାନି । ସେଟା ପର୍ମେସର୍ ସେ ଜାନେ ।^୩ ମାତର୍ ମୁଇ ଜାନିଆରି, ତାକେ ସର୍ଗେ ନେଲାଇ ବଲି । ମୁଇ ଆରି ତରେକ୍ କଇଲିନି ସେ ସତଇସେ ତେଇ ଗାଲା କି ଦର୍ସନେସେ ସରଗ୍ ଦେକାଇ ଅଇରଇଲା, ସେଟା ମୁଇ ନାଜାନି । ସେଟା ପର୍ମେସର୍ସେ ଜାନେ ।^୪ ଆରି ସେ ତେଇ ରଇଲାବେଲେ ଲକର୍ ବାସାଇ କାତା ନ ଅଇବା ବିସଇ ସୁନ୍ଲା । ଜନ୍ଟା ମୁନ୍ସୁ ମନର୍ କଇବାର୍ ଅଦିକାର୍ ନାଇ, ସେଟା ମିସା ସେ ସୁନ୍ଲା ।^୫ ଏ ଲକର୍ ବିସଇନେଇ ମୁଇ ବଡ଼ପନ୍ ଅଇ କାତା ଅଇବି, ମାତର୍ ମର୍ ନିଜର୍ ବିସଇନେଇ ବଡ଼ପନ୍ ଅଇ କାତା ନ ଅଇ । ମର୍ ଦୁର୍ବଲ୍ ରଇବା ବିସଇଟାନେସେ ମୁଇ ବଡ଼ପନ୍ ଅଇବି ।^୬ ମୁଇ ଜଦି ବଡ଼ପନ୍ ଅଇ କାତା ଅଇବାକେ ମନ୍ କଲେ, ସେଟା ବୁଦି ନ ରଇଲା ଲକ୍ ବଡ଼ପନ୍ ଅଇଲାପାରା ନ ଅଏ । ମୁଇ କଇବାଟା ସବୁ ସଡ଼ । ମାତର୍ ମୁଇ ବଡ଼ପନ୍ ଅଇକରି କାତା ନ ଅଇ । କାଇକେବଇଲେ ଲକ୍ମନ୍ କେତେବେଲେ ମିସା ମକେ ମୁଇ ଜେଡ଼କି ଆରି, ତାର୍ତେଇଅନି ଅଦିକ୍ ଗଟେକ୍ ବଡ଼ ଲକ୍ ଇସାବେ ଦେକ୍ବାଇ । ମୁଇ କର୍ବା କାମ୍ ଦେକିକରି ଆରି ମୁଇ କଇବା କାତା ସୁନିକରିସେ ସେମନ୍ ମାନ୍ବାଇ ।

^୭ ମୁଇ ପର୍ମେସର୍ ଟାନେଅନି ବେସି ବଡ଼ିଆ ଦର୍ସନ୍ ପାଇଲିଆଡ଼ି ବଲିକରି ବଡ଼ପନ୍ ନ ଅଇବାକେ ପର୍ମେସର୍ ମକେ ଦୁକାଇବା ଗଟେକ୍ ରଗ୍ ଦେଲା । ଏ ରଗ୍ ସଇତାନର୍ ଦୁଡ଼ପାରା ମାନ୍ବାକେ ମର୍ ଗାଗଡେ ଆଟେ । ଜେଡ଼ି କି ମୁଇ ଆରି ବଡ଼ପନ୍ ନ ଅଇ ।^୮ ଏ ରଗ୍ ମର୍ଟାନେଅନି ଦାରିଜାଅ ବଲି ମୁଇ ତିନ୍ତର୍ ମାପୁରୁକେ ଗୁଆରି କଲି ।^୯ ମାତର୍ ସେ ଏଡ଼ାରି କଇଲା, “ତମକେ ଜେଡ଼କି ସବୁ ଲଡ଼ା ଆଟେ, ମର୍ ଜିବନ୍ ଦୁକାଇଲାଟା, ସେଟା ପୁରାପୁରୁନ୍ କର୍ବାକେ ଅଇସି । କାଇକେବଇଲେ ଜେତେବେଲେ ତୁଇ ଦୁର୍ବଲ୍ ରଇସୁ, ସେବେଲେ ମର୍ ବପୁ ନିକକରି ତିସି ।” ତେବେ ମର୍ ଦୁର୍ବଲ୍ ବିସଇନେଇ ବଡ଼ପନ୍ ଅଇକରି କଇବାକେ ମକେ ବେସି ସାର୍ଦା ଲାଗସି । କାଇକେବଇଲେ ମୁଇ ଦୁର୍ବଲ୍ ରଇଲାବେଲେ କିରିସ୍ଟର୍ ବପୁ ମକେ ସାଇଜ କର୍ବାଟା ଜାନ୍ଲିନି ।^{୧୦} ସେଟାର୍

ପାଇଁ ମନେ କରିଥିବାରୁ ଲାଗି ଜେଡ଼କି ସବୁ ଗର୍ବି, ମୁଁ ସାର୍ବଦା ଅଛୁ ରହିବି । ଜେଡ଼କି ମରଗାଗଡ଼ ଦୁର୍ବଳ ରହିଲେ ମିଆ, ନିନ୍ଦା ପାଇଲେ ମିଆ, ଦୁର୍ବଳ କର୍ତ୍ତବ୍ୟ ଅଛୁରହିଲେ ମିଆ, ଆରି ସାଦବାନ୍ଦ୍ ଅଛୁ ଦୁର୍ବଳ କର୍ତ୍ତବ୍ୟ ପାଇଲେ ମିଆ । କାଇକେବଇଲେ ଜେଡେବେଲେ ମୁଁ ଦୁର୍ବଳ ଅଛୁଆତି, ସେଡ଼କି ବେଲେ ମୁଁ ବସୁ ଅଛୁଆତି ।

କରକ୍ତିଅର୍ ଲକ୍ଷ୍ମୀନର ପାଇଁ ପାଉଲର ବାବ୍ତନ

^{୧୧} ନିଜେ ବଡ଼ ଅଛୁବାକେ ମୁଁ ବକୁଆ ଲକ୍ଷ୍ମୀ ପାରା ଅଛୁଲିନି । ମାତର ମୁଁ ତମକେ ଦସ୍ ଦେଲିନି । କାଇକେବଇଲେ ତମେ ଜଦି ମନେ ସନ୍ମାନ ଦେଇତାସ୍, ମୁଁ ଏନ୍ତାରି ନ କରତି । ମୁଁ କାଇ କାମେ ନାଇ, ବଲି କେତେଲକ୍ କଇଲେ ମିଆ ତମର ସେ ପେରିଡ଼ମନର ଟାନେ ଅନି ଉନା ନଇ । ^{୧୨} ଜେଡେବେଲେ ମୁଁ ତମରଟାନେ ରଇଲି, ସେ ବେଲେ ମୁଁ ମୁରଚିକରି ରଇବା କାବା ଅଛୁଜିବା କାମମନ୍ ଆରି ଚିନ୍ମନ୍ ତମେ ଦେକିରଇଲାସ୍ । ସେଟା ଦେକି ମୁଁ ଗଟେକ୍ ପେରିଡ଼ ବଲି ତମେ ଜାନ୍‌ଲାସ୍ । ^{୧୩} ବିନ୍ ମଣ୍ଡଲିମନକେ ମୁଁ ଜାଇଟା କରଇଲି, ସେ ସମାନ୍ ବିସଇସେ ତମରପାଇଁ ମିଆ କଲି । ଏଡ଼କି ସେ ଜେ ତମକେ ବୁଡ଼ି ମାଙ୍ଗି ତମର ଉପରେ ବଜ୍ ଚାପାଇନାଇ । ଜଦି ସେଟା ମର ବୁଲ୍ ଅଛୁଲା ଆତେ ବଇଲେ ମନେ କେମା କରିଦିଆସ୍ ।

^{୧୪} ଦେକା, ଏଟା ସଙ୍ଗ୍ ତିନ୍ ତର ଅଛୁଲାବେ ମୁଁ ତମରଲଗେ ବୁଲି ଆଇବି ବଲି ଜାଗିଆତି । ଆଗର ପାରା ଏବେ ମିଆ ତମରଟାନେ ଅନି କାଇଟା ନ ମାଙ୍ଗି । ତମେ ଦେବାଟା ମୁଁ ମନ୍ କରଇନାଇ, ତମର ଆଲାଦ୍ ମନ୍ କଲିନି । ଏନ୍ତାରି ନଏଁ ଜେ ପିଲାମନ୍ ଆୟା ବାବାରପାଇଁ ସଙ୍ଗଇବାଇ, ମାତର ଆୟାବାବା ପିଲାମନର ପାଇଁ ସଙ୍ଗଇବାର ଆତେ । ^{୧୫} ସତଇସେ ମର ଜେଡ଼କି ସବୁ ଆତେ, ସେଟା ସବୁଜାକ ତମକେ ଦେବାକେ ମୁଁ ସାର୍ବଦା ଅଛୁବି । ଜେନ୍ତାରି କି ତମକେ ସାଇଜ କରବାକେ ମର ଗାଗଡ଼ ମିଆ ସର୍ପି ଅଛୁଦେବି । ତମର ପାଇଁ ରଇବା ମର ଆଲାଦ୍ ଅଦିକ୍ ଅଦିକ୍ ଅଛୁ ଆଛୁଲାନି, ମାତର ମର ପାଇଁ ରଇବା ତମର ଆଲାଦ୍ ଉନା ଅଛୁ ଆଛୁଲାନି ।

^{୧୬} ମୁଁ ତମରଟାନେଅନି ବୁଡ଼ି ମାଙ୍ଗିନାଇ, ସେଟା ସଡ଼ ବଲି ତମେ କଇଲାସ୍‌ନି, ମାତର ତମର ବିଡ଼ରେ କେତେ ଲକ୍ କଇଲାଛୁନି, ଜେ

ମୁଁ ତାଲାକି ଆରି ମର ଲାଗି ତମେ ନାଡ଼ାଇଅଇଲାସ । ୧୭ ମୁଁ ତମ୍ଭେ କେନ୍ତ୍ର ନାଡ଼ାଇଲି ? ମୁଁ ତମର ଲଗେ ଜନ୍ ଲକ୍ଷ୍ମୀନକେ ପାଟାଇ ରଇଲି, ସେମାନର ଦେଇ ନାଡ଼ାଇଲି କି ? ୧୮ ମୁଁ ତିତସକେ ତମର ଲଗେ ଜିବାକେ ବାବୁଜିଆ କଲି । ଆରି ତାରସଙ୍ଗ ଜିବାକେ ଗଟେକ୍ ବିସ୍ବାସି ବାଇକେ ମିସା ପାଟାଇରଇଲି । ତିତସକାଇ ତମର ଲଗେ ଅନି କାଇଟା ଲାବ୍ କଲା ଆଟେ କି ? ତିତସ୍ ତମ୍ଭେ ନାଡ଼ାଇଲା ବଲି ତମେ କଇନାପାରାସ । କାଇକେବଇଲେ, ସେ ଆରି ମୁଁ, ଆମେ ସୁକଲ୍ କାମର ପାଇସେ ଏଟା କଲୁନି ।

୧୯ ଆମେ ତମର ବିରୁଦେ କାଇ ଦସ୍ କରୁନାଇ ବଲି ତମ୍ଭେ ଦେକାଇ ଅଇବାକେ ଚେସଟା କଲୁନି ବଲି ତମେ ବାସ୍ତା ମିସା । ମାତର ସେନ୍ତାରି ନାଇ । ଆମେ କିରିସ୍ଟର ଲକ୍ ଇସାବେ ପରମେସରର ମୁଆଟେ କାତା ଅଇଲୁନି । ଆଲାଦର ମଇତରମନ୍ ! ତମର ଗାନେ ଆମେ ଜେଡ଼କି ବିସଇ କଲୁଆରୁ, ସେଟା ତମର ବଲ୍ ପାଇ । ୨୦ ମୁଁ ବେସି ଚିନ୍ତାଇ ଆଟି, ମୁଁ ତମର ଗାନେ ଆଇଲାବେଲେ, ମନ୍ ନ କରବା ଚଲାଚଲ୍ତି ତମର ବିତ୍ରେ ଦେକ୍ବି ମିସା । ସେନ୍ତାରି ଅଇଲେ, ମୁଁ ତମ୍ଭେ ଦମ୍ କାଇବାକେ ପଡ଼ସି ଆରି ସେଟା ତମେ ମନ୍ ନ କରାସ । ତେଇ କେତେଟା ଜୁଜିଆଲ୍ ମନ୍, ଇସ୍ଲିଆମନ୍, ଦାପ୍ରେ ରିସା ଅଉମନ୍, ନିଜର ବିସଇ ଦେକାଇ ଅଉମନ୍, ତାର ବାଇମନକେ ନିନ୍ଦା କରୁମନ୍, ତିପ୍ଲିଆମନ୍, ବଡ଼ପନିଆମନ୍, ଆରି ବିସ୍ବାସିମନ୍ ଗଟେକ୍ ମନ୍ ନ ଅଇଲାଟା ଦେକ୍ବି । ୨୧ ମୁଁ ଚିନ୍ତାଇ ଆଟି ଜେ, ମୁଁ ଆରିତରେକ୍ ଆଇଲାବେଲେ, ତମର ମୁଆଟେ ମକେ ପରମେସର ଲାଜ୍ କରାଇସି । ଆରି ମୁଁ ବେସି ଦୁକ୍ ଅଇବି । କାଇକେବଇଲେ, ଆଗେ ଜେଡ଼କି ଲକ୍ ପାପ୍ କରି ଆଚଡ଼ ବଲି ମୁଁ ଜାନିଆଟି । ସେମନ୍ ଏବ୍ କେ ଜାକ ତାକର କାରାପ୍ ଚଲାଚଲ୍ତିର ଲାଗି ମାନି ଅଅଡ଼ ନାଇ । ଜନ୍ ଗାକି ନିଜର କାରାପ୍ ମନ୍ କଲା ଇସାବେ ବ୍ଡ଼ବାଟା ଆରି ବେସିଆ କାମ୍ କରବାଟା ।

୧୩

ସାରାସାରି ଜୁଆର କରି ମନା କରବାଟା

୧ ଏଟାସଙ୍ଗ ଡିନତର ଅଇଲାବେ ତମର ଲଗେ ମୁଇ ଆଇଲିନି । ସାସ୍ତର କଇଲାପାରା "ମଣ୍ଡଲିର ବାଇମନର ବିରୁଦେ ନିନ୍ଦା କାତା ଉଟ୍ତଲେ, ସେଟା ତିନ୍ ଲକ୍ ନଇଲେ ଦୁଇଲକର୍ ସାକିର ମୁଆଟେ ସବୁଜାକ ରାଜିନାମା କରାଇବାର ଆଟେ ।^୨ ଆଗେ ପାପ୍‌କରି ରଇବା ଲକ୍‌ମନକେ, ଆରି ଏବେ ପାପ୍ କଲା ଲକ୍‌ମନକେ ମୁଇ ତମର ଲଗେ ଦୁଇପାଲି ଆଇଲା ବେଲେ କଇରଇଲି । ମୁଇ ତେଇ ନ ଆଇବା ଆଗ୍ତୁ କଇଲିନି, ମୁଇ ଆରିତରେକ୍ ଆଇଲାବେଲେ କେ ଜଦି ତାକର୍ ପାପେ ଅନି ନ ବାଉଡତ୍, । ସେମନକେ ଦୟା ନ ଦେକାଇ ।^୩ ମୁଇ କଇବାଟା ଏ ସବୁ କିରିସ୍‌ଟର ଆଦେସେ ଅନି ଆଟେବଲି ଜାନବାକେ ତିନ୍ ମାଙ୍ଗଲାସ୍‌ନି । ମୁଇ ତମକେ ଡଣ୍ଡ ଦେଲାବେଲେ ସେ ତିନ୍ ବିସଇ ଜାନସା । କିରିସ୍‌ଟ ତମର ବିତ୍‌ରେ କାଇ କାମ୍ କଲେ ମିସା ବପୁର ସଙ୍ଗ୍ କରସି, ଦୁର୍‌ବଲ୍ ଅଇକରି ନାଇ ।^୪ କାଇକେବଇଲେ କୁରସେ ଚଗାଇଲାବେଲେ ସେ ଦୁର୍‌ବଲ୍ ପାରା ଡିସ୍‌ଲେ ମିସା ପର୍‌ମେସରର୍ ବପୁସଙ୍ଗ୍ ସେ ବଠିଆଟେ । ସେନ୍ତାରିସେ କିରିସ୍‌ଟରତେଇ ମିସି ରଇଲାର୍‌ପାଇ ଆମେ ମିସା ଦୁର୍‌ବଲ୍ ପାରା ଡିସ୍‌ଲୁନି । ମାତର୍ ପର୍‌ମେସରର୍ ବପୁ ସଙ୍ଗ୍ ଜିଇ ରଇବୁ ଆରି ତମର ବିତ୍‌ରେ କରବା ଜନ୍ କାମେ ମିସା ତାର ବପୁ ରଇସି ।

୫ ତମେ ନିଜେ ନିଜେ ବିସ୍‌ବାସେ ଆଟାସ୍ କି ନାଇ, ବିଚାର୍ କରି ଦେକା । ଜିସୁକିରିସ୍‌ଟ ତମର ବିତ୍‌ରେ ବାସା ଅଇଆଟେ ବଲି ନାଜାନାସ୍ କି ? ତମେ ବିସ୍‌ବାସ୍ କରାସ୍ ନାଇକେ, କିରିସ୍‌ଟ ତମରଟାନେ ବାସା ଅଏନାଇ ।^୬ ମାତର୍ ମୁଇ ଆସା କଲିନିଜେ, ଆମେ ସବୁଲକ୍ କିରିସ୍‌ଟର୍ ପେରିଡ୍ ଅଇଆଟୁ ।^୭ ତମେ କାଇ କରାପ୍ କାମ୍ ନ କରା ବଲି, ଆମେ ପର୍‌ମେସରକେ ଗୁଆରି କଲୁନି । ଇତି ପୁରାପୁରୁନ୍ ଟିକ୍ କରିଆଟୁ ବଲି ଆମେ ଦେକାଇବାକେ ଜାଉନାଇ, ମାତର୍ ସେଟା ନାପାରି ରଇଲେ ମିସା, ତମେ ଜେକ୍‌କି ସଡ୍‌କାମ୍ କରସା, ଏଟାର୍‌ପାଇ ଆମେ ପାର୍‌ତନା କଲୁନି ।^୮ ସଡ୍ ବିସଇର୍ ବିରୁଦେ ଆମେ କାଇଟା ନ କରୁ, ମାତର୍ ତାର୍ ପାଇ ଚିଆ ଅଇବୁ ।^୯ ଜଦି ଲକ୍‌ମନ୍ ଆମ୍‌କେ ଦୁର୍‌ବଲ୍ ଆତଡ୍ ବଲି କଇଲେ ମିସା, ଆମେ ସାର୍‌ଦାସଙ୍ଗ୍ ଆଟୁ । ତମେ ଆକା ବିସ୍‌ବାସେ ଡାଞ୍ଚ ରଇବାର୍‌ଆଟେ । ଆରି ତମର ଚଲାଚଲ୍‌ତି ସିଦ୍ ଅଇଜାଅ ବଲି

ଆମେ ଗୁଆରି କଲୁନି । ୧୦ ମୁଁ ନ ଆଇତେ ଏ ସବୁଜାକ ତମ୍ଭେ କାଇକେ ଲେକଲିନି ବଇଲେ, ଜେନ୍ତିକି ମୁଁ ଆଇଲାବେଲେ ମାପୁରୁ ମକେ ଦେଇରଇବା ଅଦିକାର୍ ସଙ୍ଗ୍ ତମ୍ଭେ ଡଣ୍ଟ ଦେବାକେ ନ ପଡେ । ଜନ୍ ଅଦିକାର୍ ତମ୍ଭର ବିସ୍ବାସ୍ ବଡାଇବାକେ ଦେଲାଆଚେ, ମାତର୍ ସେଟା ଉନା କରବାକେ ନାଇ ।

୧୧ ଏବେ ଏ ମର୍ ବାଇବଇନିମନ୍ ମୁଁ ରଇଲିନି । ତମ୍ଭର ଚଲାଚଲ୍ତି ସିଦ୍ କରବାକେ ଜବର୍ ଚେସ୍ଟା କରା । ମର୍ ଆଦେସ୍ ସବୁ ମାନିକରି ରୁଆ । ସବୁଲକ୍ ଗଟେକ୍ ମନ୍ ଅଇକରି ସାନ୍ତିଅଇ ରୁଆ । ତେବେ ଆଲାଦ୍ ଆରି ସାନ୍ତିର୍ ପର୍ମେସର୍ ତମ୍ଭର ସଙ୍ଗ୍ ରଇସି ।

୧୨ ତମେ ରୁଣ୍ଡିଲା ବେଲେ ନିଜର୍ ନିଜର୍ ବିତ୍ରେ କିରିସଟର୍ ଆଲାଦେ ଜୁଆର୍ବେଟ୍ ଉଆ । ଇତି ରଇବା ପର୍ମେସରର୍ ଲକ୍ମନ୍ ତମ୍ଭେ ଜୁଆର୍ ଜାନାଇଲାଇନି ।

୧୩ ଆମର୍ ମାପୁରୁ ଜିସୁକିରିସଟର୍ ଜିବନ୍ ଦୁକାଇଲାଟା, ପର୍ମେସରର୍ ଆଲାଦ୍ ଆରି ସୁକଲ୍ ଆଡ୍ମାର୍ ମିସିକରି ରଇବାଟା, ତମ୍ଭର ସବୁ ଲକ୍ମନ୍ ସଙ୍ଗ୍ ରଅ । ଜୁଆର୍ ।

ସତ୍ତ୍ୱିୟ ବାବ୍
The New Testament in the Desiya language of India:
ସତ୍ତ୍ୱିୟ ବାବ୍ (Bible)

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

ସତ୍ତ୍ୱିୟ ବାବ୍
ଦ୍ୱିତୀୟା ନିୟମ, 2020

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023

cd4d7c1f-dc97-5fb4-a0ba-ab968fde9cde